



CHEMICHEMI

YA BARAKA

ADRIAN EBENS
KEVIN J MULLINS

Chemchemi ya Baraka

Adrian Ebens

Kevin J. Mullins

Kimechapwa na



Mei 2020

Yaliyomo

Baraka ya Furaha ya Baba.....	4
Kupoteza Uwana Kupitia Dhambi	8
Hakuna Sabato Bila Kafara.....	11
Injili katika Sheria.....	14
Kama Chemchemi Inayotiririka.....	19
Nyakati za Kuburudishwa	21
Ukuzaji wa Baraka.....	23
Ushuhuda wa Kihistoria	28
Sabato Kiukamilifu Zaidi	33
Pembe Ndogo	37
Kilio cha Usiku wa manane	46
Kuitwa Kutoka Gizani	51
Baraka	53
Hitimisho	55

Baraka ya Furaha ya Baba

Zaburi 33:8-9 Nchi yote na imwogope BWANA, Wote wakaa duniani na wamche. Maana Yeye alisema, ikawa; Na Yeye aliamuru, ikasimama.

Ni ajabu jinsi gani kuwa mmoja wa malaika wanaomwona Mjenzi Mkuu akinena ulimwengu huu na kuwapo. La kustaajibisha hata zaidi ni Mjenzi huyu Mkuu “aliyeumba vitu vyote kwa Yesu Kristo.” (Waefeso 3:9). Hapa kuna shuhuda zaidi zinazofunua ukweli huu:

Yohana 1:1-3,14 Hapo mwanzo kulikuwako Neno, naye **Neno alikuwako kwa Mungu, naye Neno alikuwa Mungu**. Huyo mwanzo alikuwako kwa Mungu. **Vyote vilifanyika kwa huyo**; wala pasipo yeye hakikufanyika cho chote kilichofanyika. Naye **Neno alifanyika mwili**, akakaa kwetu; nasi tukauona utukufu wake, utukufu kama wa Mwana pekee atokaye kwa Baba; amejaa neema na kweli.

Wakolosai 1:12-17 Tukimshukuru Baba ... ambaye alituokoa katika nguvu za giza, akatuhamisha na kutuingiza katika ufalme **wa Mwana wa pendo lake**; ambaye katika yeye tuna ukombozi, yaani, masamaha ya dhambi. Ambaye ni mfano wa Mungu asiyeonekana, mzaliwa wa kwanza wa kila kiumbe; **kwa kuwa katika yeye vitu vyote viliumbwa**, vilivyo mbinguni na vilivyo juu ya nchi, vinavyoonekana na visivyoonekana, ikiwa ni viti vya enzi, au usultani, au enzi, au mamlaka: **vitu vyote viliumbwa kwa njia yake, na kwa ajili yake: Naye amekuwako kabla ya vitu vyote, na vitu vyote hushikana katika yeye**.

Waebrania 1:1-2 Mungu, ambaye alisema zamani na baba zetu katika manabii kwa sehemu nyingi na kwa njia nyingi, mwisho wa siku hizi amesema na sisi katika Mwana, aliyemweka kuwa mrithi wa yote, tena kwa yeye aliufanya ulimwengu.

Mwana wa Mungu ni Neno la Mungu, mawazo ya Mungu yanayosikika. “Jina lake anaitwa Neno la Mungu.” (Ufunuo 19:13). Nguvu zote za uumbaji za Baba zilitolewa kwa Mwanawe kutamka ulimwengu uwepo.

Mathayo 28:18 Yesu akaja kwao, akasema nao, akawaambia, **Nimepewa mamlaka yote mbinguni na duniani.**

Yohana 8:28 Sifanyi neno kwa nafsi yangu, ila kama Baba alivyonifundisha ndivyo ninenavyo.

Kristo aliponena Maneno ya Baba yake, ulimwengu ulitokea. Nyasi, miti na maua yalipoibuka kutoka duniani kwa Neno lililonenwa, Baba alimgeukia Mwanawe na kusema, “Hili ni jema, Mwana.” Kitabu cha Mithali kinarekodi maneno ya Mwana yaliyosemwa wakati huo:

Mithali 8:22-30 BWANA alikuwa nami **hapo mwanzo** [rejea. Yohana 1:1] wa njia yake, kabla ya kazi zake za kale. Naliwekwa tangu milele, tangu mwanzo, hata haijakuwapo dunia. Wakati ambapo hapakuwa na vilindi, **nilizaliwa** [rejea. Yohana 8:42]; wakati ambapo hapakuwa na chemchemi zilizojaa maji. Kabla milima haijawekwa, kabla ya vilima nalizaliwa [rejea. Waebrania 1:5]: Wakati alipokuwa bado hajaiumba dunia, wala makonde, wala sehemu ya juu kabisa ya mavumbi ya dunia. Alipoziumba mbingu, nalikuwako; alipoweka dira juu ya uso wa vilindi; Alipoyaweka mawingu juu; Alipozitia nguvu chemchemi za vilindi; Alipoipa bahari amri yake, ya kwamba maji yasiiasi amri yake, alipoweka misingi ya dunia: Ndipo nalikuwa karibu naye, **kama mtu aliyelelewa pamoja naye** [Tazama Yohana 1:1]; **na kila siku nalikuwa furaha yake, nikifurahi daima mbele zake.**

Kila siku ya uumbaji huu, Mwana wa Mungu alihisi furaha ya Baba Yake ndani Yake. Mwana wa Mungu alifurahia baraka za Baba yake kupitia mchakato wa uumbaji. Kila siku ilipopita, shangwe na furaha ya Baba na Mwana iliongezeka. Walipowatazama Adamu na Hawa wakistaajabia uumbaji uliowazunguka, Baba na Mwana walifurahia sana zawadi waliyotoa kwa hiari. Walifurahi pamoja katika upendo wao wa *agápe* (usio na ubinafsi). Ndipo hatimaye Sabato ikaja, na vile Baba alivyoziona kazi za uumbaji; Alipotazama milima, mabonde na vijito vya maji, na viumbe vyote vinavyozunguka-zunguka duniani alizungumza na Mwanawe kwa furaha akisema:

Wewe ni Mwanangu Mpendwa ninayependezwa naye.

Katika siku hii Mwana wa Mungu alibarikiwa na Baba yake kama “Bwana wa Sabato” (Luka 6:5). Roho wa Aliye Juu akatulia juu yake na Mwana akaburudishwa.

Kutoka 31:17 ... kwa siku sita BWANA alifanya mbingu na nchi, akastarehe siku ya saba, akapomzika.

Neno kuburudishwa katika Kiebrania linamaanisha kupuliziwa. Kupuliziwa pumzi huku juu ya Mwana kulikuwa ni furaha ya Baba katika Mwanawe. Mwana alijibu kwa kusujudu na kumwabudu Baba yake kwa kumpa vitu vyote.

Yohana 3:35 Baba anampenda Mwana, naye amempa vitu vyote mkononi mwake.

Yohana 8:29 Naye aliyenipeleka yu pamoja nami, hakuniacha peke yangu; kwa **sababu nafanya sikuzote yale yampendezayo.**

Yohana 17:1-7 Maneno hayo aliyasema Yesu; akainua macho yake kuelekea mbinguni, akasema, Baba, saa imekwisha kufika. Mtukuze Mwanao, ili Mwana wako naye akutukuze wewe; kama **vile ulivyompa mamlaka juu ya wote wenye mwili**, ili kwamba wote uliomba awape uzima wa milele. Na uzima wa milele ndio huu, Wakujue wewe, Mungu wa pekee wa kweli, na Yesu Kristo uliyemtuma. **Mimi nimekutukuza duniani, hali nimeimaliza kazi ile uliyonipa niifanye.** N a sasa, Baba, unitukuze mimi pamoja nawe, kwa **utukufu ule niliokuwa nao pamoja nawe kabla ya ulimwengu kuwako.** Jina lako nimewadhihirishia watu wale ulionipa katika ulimwengu; walikuwa wako, ukanipa mimi, na neno lako wamelishika. **Sasa wamejua ya kuwa yote uliyonipa yatoka kwako.**

Baraka ambayo Mungu aliweka katika Sabato, ambayo inakumbukwa kila juma, ni kuburudishwa ambako Mwana alipata kupitia furaha ya Baba Yake.

Mwanzo 2:3 Mungu akaibarikia siku ya saba, akaitakasa kwa sababu katika siku hiyo Mungu alistarehe, akaacha kufanya kazi yake yote aliyoiumba na kuifanya.

Kila Sabato ya siku ya saba Mwana wa Mungu anapuliziwa na Baba katika ukumbusho wa furaha aliyohisi kwa Mwanawe wakati juma la uumbaji

lilipokamilika. Wale walio ndani ya Kristo wanapokea baraka hii. Tunakuwa warithi wa baraka hii kwa njia ya Kristo Yesu.

Waefeso 1:3-5 Atukuzwe Mungu, Baba wa Bwana wetu Yesu Kristo, aliyetubariki kwa baraka zote za rohoni, katika ulimwengu wa roho, ndani yake Kristo; kama vile alivyotuchagua katika yeye kabla ya kuwekwa misingi ya ulimwengu, ili tuwe watakatifu, watu wasio na hatia mbele zake katika pendo. Kwa kuwa alitangulia kutuchagua, ili tufanywe wanawe kwa njia ya Yesu Kristo, sawasawa na uradhi wa mapenzi yake.

Baraka kuu ya kiroho tunayoweza kupokea katika Kristo ni kujua tunapendwa na Baba. Kwa imani tunamwona Baba akiweka mkono Wake kumzunguka Mwanawe kwa furaha ya baba na kumbusu kwa upendo wa baba na kumwambia: “Wewe ni Mwanangu, nami ninakufurahia!”

Yohana 1:18 Hakuna mtu aliyemwona Mungu wakati wowote.
Mwana pekee, aliye katika kifua cha Baba, amemtangaza.

Ni nini kingine ambacho Mwana wa Mungu angeweza kupata isipokuwa pumziko kamili na kamilifu katika baraka hiyo iliyonenwa juu Yake. Je, kuna kitu kingine chochote ambacho unaweza kutamani zaidi ya kuwa katika kifua cha Baba na kujua - kujua kwa uhakika kabisa - kwamba unapendwa na kufurahishwa Naye?

Hii ndiyo kazi iliyokamilika ambayo injili inatuleta.

Waebrania 4:2-4 Kwa maana sisi tulihubiriwa Injili, kama wao [Waisraeli wa kale]... Kwa maana sisi tulioamini twaingia katika raha, ... kazi zilikamilishwa tangu kuwekwa misingi ya ulimwengu.
Maana aliinena siku ya saba mahali fulani hivi, Mungu alistarehe siku ya saba, akaziacha kazi zake zote.

Kazi ya uumbaji na ukombozi ni sawa. Vyote viwili hivi vinakuleta katika mikono ya Baba kukumbatiwa Naye na kupata pumziko kamili na furaha ndani Yake. Uzoefu huu unafunguliwa kwa kila mmoja wetu kupitia kwa Bwana Yesu Kristo, na kila siku ya saba inapotujia tunaweza kuingia katika pumziko lile lile ambalo Kristo alipata tangu kuwekwa msingi wa ulimwengu. Kila Sabato tunaweza kuonja kwa kipimo kikubwa zaidi furaha ya Baba kwa ajili yetu kupitia Mwanawe. Yesu alishiriki ubinadamu wetu, “mwili na damu” yetu (Waebrania

2:14). Neno lililolenwa kwa Yesu pale Yordani, “Huyu ni Mwanangu mpendwa, ninayependezwa naye,” linawakumbatia wanadamu wote. Mungu alizungumza na Yesu kama mwakilishi wetu. Pamoja na dhambi na udhaifu wetu wote, hatutupwi kando kuwa watu wasio na thamani. “Ametufanya tukubalike katika huyo Mpenzi.” (Waefeso 1:6).

Hii ndiyo baraka iliyomo katika Sabato. Ni kuburudishwa na kufanywa upya kwa vifungo vya upendo kati yetu na Baba yetu kwa njia ya Kristo. Kila Sabato huandika kwa undani zaidi juu ya nafsi zetu jina la Baba (tabia) kwa pumzi ya kinywa chake. Jinsi siku ya Sabato ilivyo ya thamani kwa watoto wa Mungu! Oh kwa lugha elfu kuimba sifa za Mkombozi wangu mkuu. Ndani yake nimeunganishwa na furaha ya Baba yangu; Nimekubalika katika Mpendwa.

Kupoteza Uwana Kupitia Dhambi

Hii ndiyo ilikuwa hali ya Adamu kabla hajaanguka. Alikaa katika uhakikisho wa upendo wa Baba kwa njia ya Mwana wa Mungu ... mpaka mharibifu akaja kati yao. Shetani alikataa kujitiisha kwa Mwana wa Mungu, na kwa kufanya hivyo alijiweka nje ya furaha ya Baba yake. Roho wa furaha ya Baba hutiririka tu kupitia kwa Mwanawe. Ikiwa tunatamani baraka na furaha ya Baba, lazima tunywe kutoka kwenye chemchemi inayopatikana ndani ya Kristo Yesu. Shetani alipomwacha Kristo pia aligeuka kutoka katika utambulisho wake kama mwana wa Mungu. Ili tuwe wana ni lazima tumtazame Mwana, maana kwa kutazama tunabadilishwa. Shetani alikataa uwana wake kwa Mungu na akaanza kufuta kutoka akilini mwake muhuri wa Baba, na badala yake akaweka fumbo ambalo lilimruhusu kujiabudu.

Isaya 14:12-14 Jinsi ulivyoanguka kutoka mbinguni, Ewe nyota ya alfajiri, mwana wa asubuhi! Jinsi ulivyokatwa kabisa, Ewe uliyewaangusha mataifa! Nawe ulisema moyoni mwako, Nitapanda mpaka mbinguni, Nitakiinua kiti changu juu kuliko nyota za Mungu; Nami nitaketi juu ya mlima wa mkutano, Katika pande za mwisho za kaskazini. Nitapaa kupita vimo vya mawingu, Nitafanana na yeye Aliye juu.

Ikiwa Lusifa angebaki katika utii kwa Mwana wa Mungu angeweza kuendelea kunywa raha za Baba kupitia Kristo; angeweza kubaki mwana kwa Roho wa Mwana. Kwa kusikitisha, alikataa hili, na katika kuondoka kutoka kwenye nafasi

yake akaanguka katika giza la kutokuwa na thamani. Ezekeili 28:12-15 inaeleza kiishara anguko la Lusifa. Alikuwa “amejaa hekima, na mkamilifu wa uzuri.” Alikuwa “katika Edeni bustani ya Mungu” - katika hali ya ukamilifu. Alifunikwa kwa “kila jiwe la thamani” likiwakilisha tabia ya thamani ya Baba ya haki. Sauti yake tamu na ala zake za sifa zilisikika katika ulimwengu wote mzima katika kumwabudu Muumba wake. “Alitembea huku na huku katikati ya mawe ya moto”, ikimaanisha kupatana kabisa na sheria ya Mungu ya upendo ambayo juu yake ukweli wa maisha unafanya kazi (Kumbukumbu la Torati 33:2). Alikuwa mkamilifu tangu siku alipoumbwa “mpaka uovu” ulipopatikana ndani yake. Alienda mbali na “mawe ya moto”, na kutoka kwenye kumsifu Muumba wake. Mawe yote ya thamani yanayofunika ya tabia kama ya Kristo aliyaacha mlangoni.

Katika hali yake mpya ya kupatikana furaha yote ilitoweka. Nuru iliyokuwa ikimulika kumzunguka na wale waliomhurumia sasa ilikuwa ya huzuni na kukata tamaa. Jitihada yake ya ubinafsi ya kupanda juu ya Aliye Juu Zaidi ilianguka juu ya kichwa chake mwenyewe. Kujiona kuwa na hatia na kulaaniwa kulimkalia na kumsababishia huzuni nyingi.

Isaya 57:20-21 Bali wabaya wanafanana na bahari iliyochafuka; maana haiwezi kutulia, na maji yake hutoa tope na takataka. Hapana amani kwa wabaya; asema Mungu wangu.

Utusitisi na kukata tamaa kwa Shetani kulirithiwa na Adamu na Hawa walipokula tunda ambalo waliamriwa wasile. Utusitisi huu na kutokuwa na thamani ulikuja moja kwa moja kutokana na kupoteza utambulisho. Ilipotea kwa sababu ya kugeuka kutoka kwenye furaha ya Baba katika Mwanawe. Ilikuwa ni huzuni ya yatima aliyejitakia. Hasara na huzuni kama hii ipo leo:

1 Yohana 2:23 Kila amkanaye Mwana, huyo hana Baba.

Si vigumu kuelewa kwamba wakati mtu anahisi kuwa na thamani kidogo au hakuna kabisa itadhihirika katika hali ya kutokuwa na thamani ya kujiangamiza. Dhambi ni udhihirisho wa imani kwamba aliyetupa uhai hatuthamini. Nyoka alisisitiza haya kwenye bustani.

Mwanzo 3:5 Kwa maana Mungu anajua ya kuwa siku mtakayokula matunda yake, mtafumbuliwa macho, nanyi mtakuwa kama miungu, mkijua mema na mabaya.

Shetani alidokeza kwamba Mungu alikuwa akiwaficha Adamu na Hawa jambo ambalo lingewaleta baraka. Imani kama hiyo iliongoza kwenye wazo kwamba Mungu hakuwapenda kikweli. Wazo la kwamba Mungu hatupendi kikweli hutuongoza kwenye dhambi, “na dhambi, ikiisha kukoma, huzaa mauti.” (Yakobo 1:15).

Dawa ya dhambi kwa hiyo ni ufunuo wa upendo wa Mungu kwetu kama Baba yetu mwenye furaha. Mahali ambapo upendo huu unadhahirishwa kikamilifu ni katika furaha ambayo Mungu alionyesha kwa Mwanawe katika Sabato ya kwanza katika Edeni. Kwa hiyo, Sabato ndiyo wakala ambamo Roho wa Baba mwenye furaha huturudishia akilini utunzaji Wake wa upendo wa kweli kwetu. Ni katika siku hii kwamba tunapuliziwa kupitia Kristo na akili zetu zinatakaswa katika ufahamu wa upendo wa Baba.

Tunaweza tu kupokea baraka kamili ya Baba kupitia Kristo. Kwa vile Ubwana wa Kristo unapatikana katika Sabato, kwa hiyo tunaweza tu kupokea baraka kamili ya Baba kupitia Sabato. Hii ndiyo sababu Sabato ni ishara ya utakaso au muujiza wa Mungu wetu.

Ezekieli 20:12 Tena naliwapa sabato zangu, ziwe ishara [Strong’s H226 miracle] kati ya mimi na wao, wapate kujua ya kuwa mimi, BWANA, ndimi niwatakasaye.

Suala la uwana wetu na ubinti kwa Mungu ndilo ufunguo wa vita kati ya Kristo na Shetani. Shetani alidhihirisha hili alipomwambia Kristo:

Mathayo 4:3 ... **Ikiwa wewe ndiwe Mwana wa Mungu**, amuru kwamba mawe haya yawe mikate.

Shetani alihoji Kristo kuhusu Uwana Wake na jinsi ulivyofafanuliwa. Baba alikuwa amemwambia Kristo siku 40 kabla kwenye Mto Yordani kwamba alikuwa Mwanawe. Je, Kristo angeamini neno la Baba au kujaribu kulithibitisha kwa nguvu Zake? Kristo alipumzika katika neno la Baba yake na aliamini kwamba Mungu kweli alikuwa Baba yake kwa imani (Mathayo 4:4). Kutafuta kuthibitisha kuwa yeye ni Mwana kungemaanisha kwamba hakukubali kwa imani katika neno la Mungu. Tazama kitabu Identity Wars kwa zaidi juu ya mada hii katika fatheroflove.info

Kama vile Mwana wa Mungu alivyopokea muhuri wa baraka za Baba yake katika Sabato ya kwanza ya uumbaji, vivyo hivyo pia tunarejeshwa kabisa na kutiwa muhuri katika uwana wetu kwa Mungu kupitia Sabato.

Hakuna Sabato Bila Kafara

Je, lisingekuwa jambo rahisi kwa Adamu na watoto wake kuja kwenye Sabato kila juma ili kupokea baraka za Baba na kuanza mchakato wa urejesho wa furaha ya Baba katika watoto Wake? Hili halikuwezekana, kwani Shetani alipogeuka kutoka katika uwana wake na kumgeukia Mungu, aliikataa Roho ya uwana iliyopatikana ndani ya Kristo. Kwa hakika, Shetani alikuwa ametaka kumwua Mwana wa Mungu tangu mwanzo:

Yohana 8:44 Ninyi ni wa baba yenu, Ibilisi, na tamaa za baba yenu ndizo mpendazo kuzitenda. Yeye alikuwa mwanaji tangu mwanzo; wala hakusimama katika kweli, kwa kuwa hamna hiyo kweli ndani yake. Asemapo uongo, husema yaliyo yake mwenyewe; kwa sababu yeye ni mwongo, na baba wa huo.

Adamu alipojisalimisha kwa Shetani alishikwa na roho ya yatima iliyomchukia Kristo na kutaka kutambuliwa kuwa sawa badala ya kuwa mwana. Kama Shetani alivyosema hapo mwanzo:

Isaya 14:14 nitapanda kupita vimo vya mawingu; Nitakuwa kama Aliye Juu.

Haiwezekani kupokea furaha ya Baba ikiwa tunakataa kukubali kwamba mioyo yetu kwa asili iko katika vita na Mwana wa Mungu. Mungu anatupenda, lakini hatuwezi kupokea upendo wake isipokuwa turudi katika uwana. Kwa hiyo ili kuingia katika pumziko la Sabato ni lazima tukiri kwamba kwa asili tunamkataa Mwana wa Mungu kutokana na mawazo yetu ya yatima. Kila tamaa ya kuwa wa kwanza, kila jitihada ya kujithibitisha kuwa bora kuliko mwingine, kila jitihada ya kuonyesha uwezo binafsi kama sababu ya kwa nini tunapaswa kuthaminiwa daima inapelekea kwenye jaribio la kumwangamiza Mwana wa Mungu.

Yeremia 9:23-24 BWANA asema hivi, Mwenye hekima asijisifu kwa sababu ya hekima yake, wala mwenye nguvu asijisifu kwa sababu ya nguvu zake, wala tajiri asijisifu kwa sababu ya utajiri wake; bali

ajisifuye na ajisifu kwa sababu hii, ya kwamba ananifahamu mimi, na kunijua, ya kuwa mimi ni BWANA, nitendaye wema, na hukumu, na haki, katika nchi; maana mimi napendezwa na mambo hayo, asema BWANA,

Kujisifu katika hekima yetu wenyewe, uwezo, au mali ni kutojivunia kumjua Baba. Sio kukiri kwamba vitu vyote vinatoka Kwake.. Mwana wa Mungu daima yuko mahali pa kukiri kwamba yote aliyo nayo yanatoka kwa Baba Yake.

Yohana 5:19 Mwana hawezi kutenda neno mwenyewe ila lile ambalo amwona Baba analitenda; kwa maana yote ayatendayo yeye, ndiyo ayatendayo Mwana vile vile.

Yohana 3:34-35 Yule aliyetumwa na Mungu husema maneno ya Mungu, **kwa sababu Mungu hamtoi Roho kwa kipimo**. Baba anampenda Mwana na ameweka kila kitu mikononi mwake. (ISV).

Kwa hiyo haiwezekani kupokea furaha ya Baba ndani yetu pale ambapo hatuji kwake katika Roho wa Mwanawe. Njia pekee ya kufanya hivyo ni kukiri kwamba kwa asili tumepigana na Mwana wa Mungu, na mitazamo na tabia zetu zimekuwa hivi kwamba tukipewa nafasi, tutamuua Mwana wa Mungu.

Njia ambayo kwayo tunafanya ukiri huu ni kuungama kifo cha Kristo kwa ajili yetu. Tunapokubali kwamba alijeruhiwa kwa makosa yetu, na alichubuliwa kwa maovu yetu (Isaya 53:5), basi mlango unafunguliwa katika patakatifu pa Baba yetu ili sisi kupokea baraka zake. Kila tamaa ya ubinafsi inajeruhi na kumtesa Mwana wa Mungu. Hatuthubutu kukubali tu kwamba Yesu aliteseka kwa ajili yetu miaka 2000 iliyopita, lakini “leo kama mtaisikia sauti yake, msifanye migumu mioyo yenu.” (Waebrania 4:7). Leo amejeruhiwa, leo anateseka na ubinafsi wetu, leo anadharauliwa na kukataliwa na wanadamu (Isaya 53:3). Macho yetu yanapofumbuliwa kwenye ukweli huu, basi, na ndipo tu, tunaweza kuingia katika uzoefu wa kweli wa Sabato.

Jambo hapa ni kwamba haiwezekani kuja katika pumziko la Sabato wakati tungali hatukubali dhabihu ya Kristo kwa ajili ya nafsi zetu. Kifo chake hutuonyesha asili yetu kwake na hutupa chaguo la kutubu. Hakuna mtu anayeweza kuwa na pumziko ndani ya Kristo wakati huo huo akimsulubisha na kumwaibisha wazi (Waebrania 6:6). Kwa hiyo hatuwezi kufika mbele za Bwana bila kitu (Kutoka 23:15). Ni lazima tuje na dhabihu. Sadaka yetu si mnyama

mwenye damu, bali ni moyo uliopondeka na roho iliyovunjika (Zaburi 51:16,17) katika kukiri ubinafsi wetu wa asili na kwa hiyo chuki yetu ya asili iliyoanguka kwa Kristo. Sadaka na Sabato daima huunganishwa. Moja hutoa kiingilio ndani ya nyingine. Kweli hizi lazima zieleweke kwetu ili kushinda vita ili kupata tena utambulisho wetu kama wana na binti za Mungu. Mpaka tukubali kwamba katika hali yetu ya dhambi tunamkanyaga Mwana wa Mungu chini ya miguu vinginevyo hatuwezi kamwe kuingia katika uwana wa kweli kwa Mungu. Mpaka tukubali mateso ya Mwana kwa ajili yetu hatuwezi kuwa wana, lakini badala yake tunabaki yatima bila kusudi ambao hatuwezi kuacha dhambi, kwa kuwa dhambi ni ushahidi wa uwana au ubinti uliopotea; ni ushahidi kwamba hatujapata pumziko katika upendo wa kweli wa Baba.

Kwa mawazo haya tunaona kwamba Sabato inakuwa mwanga wa tumaini kama dawa ya dhambi. Tunapomwona Mwokozi aliyesulubiwa msalabani tunaona kile ambacho tamaa zetu mbaya zimemfanyia, na kisha tunamgeukia Mungu kwa toba na kupokea baraka za Kristo na kuonja furaha tamu ambayo Mungu anayo kwa Mwanawe. Tunakubalika ndani ya Mpendwa, na baraka zote za kiroho ambazo Kristo anazo huwa zetu kwa imani. Katika uana huu kwa Mungu tunaacha kutenda dhambi kwa sababu tunaacha kutilia shaka upendo wake, na tunapumzika kwa furaha kamilifu tukijua Baba atatupenda na kututhamini daima na kufanya yale yaliyo bora kwetu tu.

Ni wazo la thamani kama nini! Ni faraja iliyoje tuliyo nayo katika Kristo na Sabato yake! Kwa hiyo tunaona, siku ya Sabato, jinsi Roho wa Kristo anavyomiminika kutoka kwenye kiti cha enzi cha Mungu akibeba furaha ya Baba na kutafuta kuingia katika mioyo yote iliyofunguliwa ili kumkiri Yeye. Wale wanaokubali dhabihu ya Kristo na kisha kukumbatia amri zake wanajiunganisha na Sabato na kisha kwa imani wanaingia katika utimilifu wote wa uwana au binti kwa Mungu. Kila siku ya Sabato inatuunganisha na furaha ya Baba katika Mwanawe. Mkono uliowekwa karibu Naye umerithiwa na sisi. Shangwe na furaha ya Mwana inashuhudiwa nasi kila Sabato.

Tunaona kwamba msalaba katika kiini cha injili, na Sabato katika kiini cha sheria, hubusiana kila mmoja na kutuachilia furaha ya Baba ili tuseme:

1 Yohana 3:1-2 Tazameni, ni pendo la namna gani alilotupa Baba, kwamba tuitwe wana wa Mungu; na ndivyo tulivyo. Kwa sababu hii

ulimwengu haututambui, kwa kuwa haukumtambua yeye. Wapenzi, sasa tu wana wa Mungu, wala haijadhihirika bado tutakavyokuwa; lakini twajua ya kuwa atakapodhihirishwa, tutafanana naye; kwa maana tutamwona kama alivyo.

Warumi 8:16 Roho mwenyewe hushuhudia pamoja na roho zetu, ya kuwa sisi tu watoto wa Mungu;

Injili ni ufunuo wa jinsi na lini Baba anakuja kwetu na kutuambia jinsi tulivyo wa thamani Kwake na jinsi anavyotupenda.

Injili katika Sheria

Tangu mwanzo Bwana aliwafunulia wazee majira ya kuburudishwa kutoka kwa Bwana wakati furaha ya Baba ambapo ingefunuliwa katika Kristo. Wakati mababu walipotoa mwana-kondoo kwa imani kwa wakati uliowekwa, basi wangeunganishwa na Roho wa Kristo ambaye alikuwa na furaha ya Baba na, wakiongozwa na Roho, wangethibitishwa kuwa wana kwa Mungu.

Kwa kuwa wote wanaongozwa na Roho wa Mungu, hao ndio wana wa Mungu. (Warumi 8:14)

Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake; (Yohana 1:12)

Shetani akasonga haraka kupotosha nyakati na dhabihu ambazo Mungu alikuwa ameziweka kuja kuwabariki watoto Wake. Baada ya Israeli kutoka Misri, Kristo alimrejeshea Musa maelezo kamili ya injili kupitia amri, sheria na hukumu za Bwana ambazo zilikuwa zimepotea huko Misri. Maandiko yanasema juu ya Ibrahimu:

Mwanzo 26:5...Ibrahimu akaitii sauti yangu, akayashika mausia yangu, na maagizo yangu, na amri zangu, na sheria zangu.

Ibrahimu alitembea kwa upatanifu na “amri, maagizo, na sheria” za Mungu kwa sababu Mungu alikuwa amehubiri injili ya milele ya haki kwa imani kwa Ibrahimu (Wagalatia 3:7-9).

Baada ya kuiona sheria ya Mungu kwa muda wa siku 40 mchana na usiku, Musa alishuka kutoka mlimani na uso wake unang'aa kutokana na Injili ya utukufu

katika torati (Kutoka 34:29-35). Nuru iliyomulika Musa usoni haikuwa nuru ya mfano; ilikuwa ni nuru halisi iliyowafanya wana wa Israeli kumwomba Musa afunike uso wake. Nuru ilikuwa imekuja kutoka katika kutazama kwake Kalvari kwa imani na kwa kuona jinsi Baba anavyowaunganisha watoto wake kwake kwa njia ya Sabato na Msalaba.

Kabla ya seti ya kwanza ya amri kuvunjwa na Musa, Mungu aliunganisha Sabato na uumbaji:

Kutoka 20:11 **Maana, kwa siku sita BWANA alifanya mbingu, na nchi, na bahari, na vyote vilivyomo**, akastarehe siku ya saba; kwa hiyo BWANA akaibarikia siku ya Sabato akaitakasa.

Baadaye, baada ya seti mpya ya amri kufanywa, Mungu pia anaunganisha Sabato na ukombozi kutoka utumwani:

Kumbukumbu la Torati 5:15 Nawe utakumbuka ya kuwa wewe ulikuwa mtumwa katika nchi ya Misri, **na ya kuwa BWANA, Mungu wako, alikutoa huko kwa mkono wenye nguvu, na mkono ulionyosha**; kwa sababu hiyo BWANA, Mungu wako, alikuamuru uishike sabato.

Katika vifungu hivi viwili tunaona kwamba Sabato ni njia inayotuongoza kwenye Chanzo cha kuwepo kwetu na Chanzo cha ukombozi wetu. Sabato ni sehemu kubwa ya injili leo kama ilivyokuwa hapo mwanzo.

Waebrania 4:10-11 Kwa maana yeye aliyeingia katika raha yake amestarehe mwenyewe katika kazi yake, kama vile Mungu alivyostarehe katika kazi zake. Basi, na tufanye bidii kuingia katika raha ile, ili kwamba mtu ye yote asije akaanguka kwa mfano uo huo wa kuasi.

Musa alipewa nyakati maalum ambapo dhabihu ilitolewa kwa ajili ya taifa. Dhabihu na nyakati zao zilikuwa muhimu. Wakati ambapo dhabihu ilitolewa ilitoa njia kwa ajili ya baraka ya Baba kumwagika alipomimina baraka zake kwa Mwanawe katika Sabato ya kwanza.

Hebu tuchunguze pale ambapo dhabihu zilitolewa kwa mujibu wa sheria.

1 Mambo ya Nyakati 23:30-31 Nao wasimame kila **asubuhi** kumshukuru na kumsifu BWANA, na jioni vivyo hivyo; na kumtolea

BWANA sadaka zote za kuteketezwa, katika siku za **sabato**, za **mwezi mpya**, na za **sikukuu zilizoagizwa**, kwa hesabu kadiri ya agizo lake, daima mbele za BWANA;

2 Mambo ya Nyakati 8:12-13 Ndipo Sulemani akamtolea BWANA sadaka za kuteketezwa juu ya madhabahu ya BWANA, aliyojenga mbele ya ukumbi, kadiri ilivyohitajiwa huduma ya kila siku, akitoa sawasawa na amri ya Musa, siku za **sabato**, na za **mwezi mpya**, na za **sikukuu zilizoamriwa**, mara tatu kila mwaka, yaani, **sikukuu ya mikate isiyochachwa**, na **sikukuu ya majuma**, na **sikukuu ya vibanda**.

Sheria inafunua kwamba dhabihu zilitolewa:

1. Asubuhi
2. Jioni
3. Sabato
4. Mwezi Mpya
5. Sikukuu ya Pasaka/ Mikate Isiyotiwa Chachu
6. Sikukuu za Majuma
7. Sikukuu ya Vibanda

Tunapata uhusiano mzuri kati ya dhabihu na Sabato katika matumizi ya nambari saba. Katika jedwali hapa chini tutaongeza hadi mwisho wa mzunguko wa kila mwaka baadhi ya saba za ziada zilizotajwa katika sheria.

Nyakati za dhabihu hizi si matukio ya nasibu bali zimeunganishwa kwa uangalifu na nambari saba ili kufunua Kanuni ya Sabato-Saba iliyunganishwa na migawanyiko yote mikuu ya wakati. Inapatikana katika kila siku, wiki, mwezi na mwaka. Siku ya saba ni siku ambayo Baba alimbariki Mwanawe wakati siku sita za kazi zilipokamilika. Kazi inapokamilika katika kipindi cha vitengo sita, kitengo cha saba hutoa muda wa kutafakari na kuonja furaha ya Baba na kufanya upya hisia zetu za utambulisho kama watoto wa Mungu.

Kwa sababu Sabato ni ishara ya Mungu ya uumbaji na ukombozi wetu, Mungu anataka watu wake wahesabu kwa saba ili tusije tukamsahau Muumba na Mkombozi wetu aliyeiumba dunia kwa siku sita na kupumzika siku ya saba.

Kipindi cha Muda	Tukio	Sita, Saba na Pumziko	Rejea
Saa la 7	Dhabihu ya Kila Siku	Masaa 6 kati ya dhabihu ya asubuhi na jioni. Masaa 6 ambayo Kristo aliteseka msalabani kisha akapumzika.	Marko 15:25; 15:34; Matendo 3:1; Zab 141:2; Hesabu 28:8
Siku ya 7	Sabato	Siku 6 za kazi kisha pumzika	Kut 20:8-10
Siku 7	Mkate usiotiwa chachu	Siku 7 za Kutochachwa	Law 23:6
Majuma 7 + Siku 1	Pentekoste	Hesabu wiki 7 hadi Pentekoste kisha pumzika	Law 23:15
Mwezi wa 7 Hesabu miezi (moons) 7	Baragumu, Upatanisho, Vibanda (siku 7+1)	Hesabu miezi 6 kisha sikukuu 3 katika mwezi wa 7	law 23:24-39; Isa 66:23, 2 fal 4:23; Eze 46:1
Mwaka wa 7	Sabato ya Ardhi	Hesabu miaka 6 kisha mwaka wa 7 wa kupumzika	Law 25:3
Miaka 7x7 + 1	Jubilee	Hesabu miaka 7x7 hadi Jubilee kisha pumzika	Law 25:8-10
Miaka 7 x1000	Milenia	Hesabu mara 6 miaka 1000 kisha pumzika	Ufu 20:6

Je, inawezekana kwamba Baba yetu anataka kuandika katika kila sehemu ya wakati upendo Wake mkuu kwa Mwanawe na kwetu sisi kupitia Yeye? Mwili wa mwanadamu una seli trilioni 30 ambazo hufanya kazi takriban 10,000 za kemikali. Kila seli ina biti trilioni moja za data (sawa na kila herufi katika vitabu milioni kumi). Kila moja pia inajibadilisha yenyewe kila MIAKA SABA.

“Mayai ya ndege YOTE huanguliwa katika msururu kamili wa **vipindi vya siku saba** baada ya kutaga. Kuku huanguliwa kwa siku **21**, bata

wa kawaida siku **28**, bata wa Muscovy siku **35**, Emperor Penguins siku **49**, Emu siku **56**, tai wa dhahabu na wa Imperial siku **35**, bundi wakubwa siku **28**, Cassowary siku **42**, **ZOTE HIZO HUGAWANYIKA KWA SABA**. Kwa wanadamu, mzunguko wa hedhi ni siku **28** (kama vile mzunguko wa mwezi). Kila hatua ya ukuaji wa kiinitete ni katika muda wa siku **28**. Kuna vipindi 10 vya mizunguko ya siku **28** vinavyofanya ujauzito wa kawaida wa mwanadamu kuwa siku **280** (kumbuka kuwa hii ni sawa na wiki 40, namba 40 ni IDADI YA WIKI ZA UJAUZITO WA MWANADAMU, na inatumika mara kwa mara katika Biblia. kwa mamalia ni kama ifuatavyo: Panya siku **21**, Paka siku **56**, Sungura siku **28**, Mbwa siku **63**, Simba siku **98**, Kondoo siku **147**. **ZOTE HUGAWANYIKA KWA SABA**. Seli za kwanza za uboho huonekana siku ya **49**. Siku hii imekuwa kwa umuhimu wa pekee. Siku ya 49 imechaguliwa kuwa siku ya mwisho ya kumbukumbu ya siku hadi siku ya maendeleo ya kisayansi. Siku hii kiinitete kina umri wa wiki **SABA** na kinachukuliwa kuwa KIMILIFU. Homa na mashambulizi ya mara kwa mara ya gout, ague, na malalamiko kama hayo yana muda wa kufanya kazi wa siku **7, 14** au **21**. Tunaambiwa mapigo ya moyo hupiga polepole kila baada ya siku **SABA** kana kwamba ni kupatana na siku ya **SABA** ya pumziko iliyotangazwa katika juma la uumbaji la Mwanzo. Wastani wa mdundo wa mshipa ni midundo **70** kwa dakika na Mungu akamfanya mtu kwa mavumbi ya ardhi' (Mwa. 2:7); sayansi inathibitisha kuwa mwili wa binadamu umeundwa na vipengele **14** sawa (2 x 7) vinavyopatikana katika kiganja chako cha wastani cha vumbi. Ikiwa unapitisha mwanga wa jua kupitia prism, hutoa rangi **SABA**; rangi tatu za msingi na nne za sekondari. Jedwali la Vipindi la Vipengee vinavyojulikana lina viwango **SABA** vya upimaji. Kwa hiyo kutokana na mifano hii tu tunaweza kuona kwamba Mungu ameweka kielelezo cha **SABA** katika asili. Vitu vyote vya asili, viwe vya maana, nguvu, wakati au nafasi VILIUMBWA na kuamriwa na Bwana Mungu. Kwa hiyo, uwe na hakika kwamba Biblia yetu Takatifu ndicho Kitabu Kikuu cha Maandishi kisichokosea cha sayansi ya kweli."

(TheHiddenLighthouse.blogspot.com)

Tunaona kwamba nambari saba imeunganishwa kwa karibu katika malezi ya maisha, kukabiliana na ugonjwa katika baadhi ya matukio na mambo mengine mengi katika asili. Basi inaleta maana kwamba nambari saba inaunganishwa kwa karibu na wakati wa Mungu wa ibada.

Kama Chemchemi Inayotiririka

Kuna kielezi kizuri katika kitabu cha Kutoka kinachotupa uthamini wa kina zaidi wa kile kinachotokea wakati wa dhabihu.

Kutoka 17:3-6 Watu wakawa na kiu huko; nao wakamnung'unikia Musa, wakasema, Mbona umetupandisha kutoka Misri, kutuua sisi na watoto wetu na wanyama wetu kwa kiu? Musa akamlilia BWANA, akisema, Niwatendee nini watu hawa? Bado kidogo nao watanipiga kwa mawe. BWANA akamwambia Musa, Pita mbele ya watu, ukawachukue baadhi ya wazee wa Israeli pamoja nawe; na ile fimbo yako ambayo uliupiga mto kwayo, uitwae mkononi mwako, ukaende. Tazama, nitasimama mbele yako huko, juu ya lile jabali katika Horebu; **nawe utalipiga jabali, na maji yatatoka**, watu wapate kunywa. Musa akafanya hivyo mbele ya wazee wa Israeli.

Mwamba ambao Musa aliupiga ulikuwa mfano wa Kristo aliyechinjwa kwa ajili yetu.

1 Wakorintho 10:4 wote wakanywa kinywaji kile kile cha roho; kwa maana waliunywea mwamba wa roho uliowafuata; **na mwamba ule ulikuwa ni Kristo**.

Mathayo 26:31 Ndipo Yesu akawaambia, Ninyi nyote mtachukizwa kwa ajili yangu usiku huu kwa kuwa imeandikwa, **Nitampiga mchungaji**, na kondoo wa kundi watatawanyika.

Kupitia mfano wa mwamba uliopigwa tunaona mkondo wa uzima unaotiririka wakati unapopigwa. Pia tunayo ishara nyingine ya hili katika kifo chenyewe cha Kristo msalabani.

Yohana 19:34 Lakini askari mmoja alimchoma ubavu kwa mkuki, na mara ikatoka damu na maji.

Mfano wa mwana-kondoo aliyechinjwa pamoja na mwamba uliopigwa huruhusu mikondo ya uzima ya ukombozi kutiririka katika hizi nyakati saba zote. Ikiwa tunakiri dhabihu ya Kristo asubuhi tunapoamka, mkondo ulio hai unatufungulia, na tunapuliziwa na furaha ya Baba kupitia Kristo. Yesu alisulubishwa kwenye “saa ya tatu” (Marko 15:25). Baada ya muda wa saa sita (saa tisa) dhabihu ya jioni inakumbukwa. Hii ndiyo saa kamili ambayo Yesu

“alilia kwa sauti kuu” na kufa (Marko 15:33-37). Mitume walitumia saa tisa kama wakati wa maombi.

Matendo ya Mitume 3:1 Petro na Yohana walikuwa wakikwea pamoja kwenda hekaluni, saa ya kusali, **saa tisa**.

Kwa wale wanaokiri dhabihu ya Kristo na kutulia kukumbuka, kwetu chemchemi hufunguka na tunaweza kuogelea katika mkondo wa upendo wa Baba kwetu.

Hii inaendelea katika kila Sabato, kila mwezi mpya, na kisha katika kila sikukuu iliyowekwa wakati mwana-kondoo alipopaswa kuchinjwa. Katika kila moja ya uteuzi huu Baba anatuma kwetu furaha yake kupitia Mwanawe. Tunapomkubali Mwana, mito inaingia ndani ya mioyo yetu, na tunatakaswa katika mchakato huo; katika uwana wetu wenye utulivu tunaacha kutenda dhambi na hatuonyeshi tena ubatili wetu wa zamani wa kujitakia hali ya kutostahili ya uyatima.

Ikiwa mfumo wa dhabihu ulikusudiwa kuelekeza kwenye tukio moja katika miaka elfu sita, je, hili halingeonyeshwa vyema katika dhabihu ya mwana-kondoo mmoja kwa mwaka au mwana-kondoo mmoja katika miaka saba? Je, dhabihu ya kila siku, juma, mwezi na mwaka haipendekezi kutiririka kwa mito ya upendo katika nyakati ambazo dhabihu hizi zilitolewa? Ikiwa hapangekuwa na vijito vya uzima vinavyokuja nyakati hizi, basi kuchinjwa kwa maelfu ya wanyama hakukuwa na manufaa yoyote ya maana kwa wale waliotoa dhabihu. Walitumikia tu kuweka hai fundisho la Masihi ajaye. Isingewezekana kwa Musa kuwa na nuru inayotiririka kutoka Kalvari ikimulika usoni ikiwa hakuwa akiishi katika mkondo huo wa thamani wa furaha ya Baba kupitia dhabihu ya Mwana wa Mungu ambaye alikuwa “Mwana-Kondoo aliyechinjwa tangu kuwekwa misingi ya ulimwengu.” (Ufunuo 13:8).

Tunapoiona Sabato kama wakati ambapo Baba anaonyesha furaha yake kwa Mwanawe kwa njia kamili, basi je, ni vigumu sana kumwona Baba kama anayetaka kupeleka ujumbe huu katika kila kipengele cha wakati? Kila siku, kila juma, kila mwezi, kila mwaka, kila baada ya miaka saba, na kila baada ya miaka saba mara saba jumlisha moja Baba anawaita watoto wake. Mkondo ulio hai wa upendo wa Baba unamiminika juu yetu kwa kiwango kikubwa zaidi katika nyakati zilizowekwa. Ni wazo la thamani kama nini. Inaifanya Sabato kuwa

tamu sana na inaleta hisia ya kutazamia. Hebu fikiria juu yake. Unapoamka asubuhi na kuja kwenye ibada ya asubuhi, je, unaweza sasa kufungua moyo wako kwa Baba yako katika utambuzi mkubwa zaidi wa ukweli kwamba wakati huo Roho wake anamiminwa juu yako kweli na kukuambia, “Wewe ni mwanangu mpendwa wangu ninayependezwa naye”? Vile vile hutokea kila jioni na kisha kila Sabato, na kuendelea na kuendelea. Je, hili ni jambo unalotamani? Chukua kitanda chako na utembe katika sheria hizi za upendo!

Nyakati za Kuburudishwa

Kuna wengi ambao wangesema, “Sihitaji kusubiri wakati wowote maalum ili kujua kwamba mimi ni mtoto wa Mungu kupitia Kristo Yesu. Ninajua hili kila sekunde ya kila siku.” Je, unaweza kusema kitu sawa na hucho kwa mke au watoto wako? “Hatuhitaji nyakati maalum kukumbuka umaalum wa familia yetu, tunajua tunapendana na tunaweza kuambiana wakati wowote. Hakuna haja ya maadhimisho ya miaka au hafla yoyote maalum katika maisha yetu. Je, mke humwambia mume wake, “Unajua kwamba ninakupenda, na kwa hiyo hatuhitaji nyakati zozote maalum za urafiki ili kusherehekea uhusiano wetu.” Ni ukweli unaojidhihirisha kuwa tuna majira ya mambo yote ya maisha. Tunakula kwa nyakati zilizowekwa badala ya kula siku nzima. Tumeweka nyakati za kazi, kucheza na kulala. Pia tuna nyakati za kujitolea kwa ajili ya ibada ambapo tunaacha shughuli nyingine ili kuzingatia kile tunachofanya. Hii ni kanuni ya kibiblia iliyofunuliwa wazi.

Mhubiri 3:1 Kwa kila jambo kuna majira yake, Na wakati kwa kila kusudi chini ya mbingu;

Biblia inatuambia kwamba tunaposikiliza amri za Mungu basi haki yetu kutoka kwake ni kama mawimbi ya bahari.

Isaya 48:18 Laiti ungalisikiliza maagizo yangu! ndipo amani yako ingalikuwa kama mto wa maji, na haki yako kama mawimbi ya bahari.

Mawimbi huja katika seti ambazo hupungua na kutiririka. Hivi ndivyo uteuzi wa Baba yetu unavyotujia kupitia sheria. Kila wimbi linasonga juu ya ufukwe na kisha kurudi ndani ya bahari. Kwa kiwango kikubwa zaidi wimbi husogea juu ya ufukwe na kisha kushuka chini ya ufukwe. Kisha mwezi mpya na mwezi mpevu

yanasonga juu sana kwenye ufukwe. Maajabu haya yote ya asili yanatufundisha jinsi haki ya Mungu wetu inavyotujia.

Ona kile ambacho Maandiko hutuambia kuhusu wakati wa kuburudishwa kinachotokea:

Matendo 3:19 Tubuni basi, mrejee, ili dhambi zenu zifutwe, zipate kuja nyakati za kuburudishwa kwa kuwako kwake Bwana.

Aya hii inatuonyesha kwamba kuna nyakati za kuburudishwa. Neno katika Kiyunani ni wingi na linatuambia kwamba kuna zaidi ya wakati mmoja wa kuburudishwa. Kufutwa kwa dhambi ni kuzungumza juu ya kutiwa muhuri, na kutiwa muhuri kunaunganishwa na Sabato.

Ufunuo 7:2-3 Kisha nikaona malaika mwingine akipanda kutoka mashariki, mwenye **muhuri ya Mungu aliye hai**; akawapigia kelele kwa sauti kuu wale malaika wanne waliopewa kuidhuru nchi na bahari, Msiidhuru nchi, wala bahari, wala miti, **hata tutakapokwisha kuwatia muhuri watumishi wa Mungu wetu katika vipaji vya nyuso zao.**

Isaya 8:16 Ufunge huo ushuhuda, **ukaitie muhuri sheria** kati ya wanafunzi wangu.

Maneno “ishara” na “muhuri” yanaweza kutumika kwa kubadilishana:

Warumi 4:11 Naye alipokea **ishara** ya tohara, **muhuri** ya haki itokanayo na imani.

Kumbukumbu la Torati 6:6-8 Na maneno haya ninayokuamuru leo, yatakuwa katika moyo wako; nawe uwafundishe watoto wako kwa bidii, na kuyanena uketipo katika nyumba yako, na utembeapo njiani, na ulalapo, na uondokapo. **Yafunge yawe dalili juu ya mkono wako, nayo yatakuwa kama utepe katikati ya macho yako. [paji la uso].**

Ezekieli 20:12, 20 Tena naliwapa sabato zangu ziwe **ishara** kati ya mimi na wao, wapate kujua ya kuwa mimi, BWANA, ndimi niwatakasaye ... na kuzitakasa sabato zangu; nazo zitakuwa **ishara** kati ya mimi na ninyi, mpate kujua ya kuwa mimi ndimi Bwana, Mungu wenu.

Je, inawezekanaje kwa Sabato kuwa muhuri wa Mungu isipokuwa tunaamini kwamba ni muujiza wa Mungu kati yetu na Yeye? Ni muujiza gani huo? Ni moyo ulioyeyuka wa mtoto wa Mungu anapokubali maneno ya Baba, “Wewe ni Mwanangu mpendwa ninayependezwa naye.” Anakubali ukweli huu mbele ya uovu wake wote dhidi ya Mungu. Anaamini kuwa amesamehewa na kutulia katika mikono ya Baba katika Kristo.

Ukuzaji wa Baraka

Mambo ya asili yanazungumza nasi juu ya upendo wa Mungu kwa njia nyingi. Mawimbi ya bahari huathiriwa na jua na mwezi. Wakati wa mwezi mpya na mwezi kamili, mawimbi juu ya dunia ni ya juu zaidi. Maandiko yanatuambia kwamba jua na mwezi pia viliumbwa kwa ajili ya majira:

Mwanzo 1:14 Mungu akasema, Na iwe mianga katika anga la mbingu ili itenge kati ya mchana na usiku; na iwe kwa ajili ya ishara, na nyakati [H4150], na siku, na miaka;

Neno majira katika Kiebrania ni moéd.

Strong's Concordance H4150 Kutoka H3259; kwa usahihi miadi, yaani, wakati uliowekwa au msimu; **hasa sikukuu**.

Katika Holman Christian Standard Bible limetafsiriwa hivi: “Zitakuwa ishara za sikukuu na siku na miaka.” Katika kielezi-chini inasema, “Au kwa nyakati zilizowekwa.”

Ufafanuzi wa Biblia Nzima wa John Gill: “Targum ya Yonathani [tafsiri ya Kiaramu] ni, ‘na ziwe kwa ajili ya ishara na **nyakati za sikukuu**, na kuhesabu hesabu ya siku, na, kuitakasa mianzo ya miezi, na mianzo ya miaka, na miingiliano ya miezi na miaka, mizunguko ya jua, na miandamo ya mwezi.’ Na kwa hivyo Jarchi [Rabbi wa Kifaransa wa zama za kati, a.k.a. Rashi] anafasiri ‘misimu’ **ya sikukuu**, ambayo baadaye wangeamriwa wana wa Israeli; lakini matumizi hayo hayakuwa kwa watu fulani, na kwa muda fulani, bali kwa wanadamu wote, kwa kadri ambavyo ulimwengu ungedumu kuwepo.”

Ufafanuzi wa Adam Clarke juu ya Biblia: “[Misimu, Moédim] - Kwa ajili ya kuamua nyakati ambazo **sikukuu** takatifu zinapaswa

kufanywa. Kwa maana hii neno hutokea mara kwa mara; na ilikuwa sawa kwamba katika ufunguzi wa ufunuo wake **Mungu amjulishe mwanadamu kwamba kulikuwa na sikukuu fulani ambazo zilipaswa kuadhimishwa kila mwaka kwa utukufu wake.** Wengine wanafikiri kwamba tunapaswa kuelewa neno la awali kama linaloashiria miezi, kwa kusudi hilo tunajua kwamba mwezi hutumika katika mabadiliko yote ya wakati.”

Kwa hiyo jua na mwezi vitatumika kuamua miadi na hasa sherehe au sikukuu. Sherehe hizi ni sehemu ya mpango wa Mungu hata kabla dhambi haijainua kichwa chake kibaya juu ya dunia hii. Kinachovutia zaidi ni maelezo ya mwanamke katika Ufunuo 12.

Ufunuo 12:1 Na ishara kuu ilionekana mbinguni; mwanamke aliyevikwa jua, na mwezi chini ya miguu yake, na juu ya kichwa chake taji ya nyota kumi na mbili;

“Mwanamke” huyu kinabii anawakilisha kanisa la Mungu - watu wake waaminifu. Mungu amesema, “Nimemfananisha binti Sayuni na mwanamke mzuri na mnyoofu” (Yeremia 6:2), na kisha kusema, “... Sayuni, ninyi ni watu wangu.” (Isaya 51:16). Paulo aliandika hivi: “Nimewaposa ninyi [kanisa] kwa mume mmoja, ili nimletee Kristo bikira safi.” (2 Wakorintho 11:2).

Katika kitabu cha Ufunuo kanisa la Mungu limevikwa majira ya Mungu wake. Jua, mwezi, na nyota zimetolewa kwa ajili ya kuamua majira ya kuburudishwa kutoka kwenye uwepo wa Bwana. Paulo anazungumza kwa sehemu juu ya hili alipowaambia Wathesalonike

1 Wathesalonike 5:1 Lakini, ndugu, kwa habari ya nyakati na majira, hamna haja niwaandikie.

Neno la Kiyunani kwa ajili ya majira lililotumika hapa ni sawa kabisa na lililotumika katika Agano la Kale la Kiyunani kwa majira katika Mwanzo 1:14. Neno hili ni moéd katika Kiebrania.

Kwa hiyo Kanisa la Mungu kama lilivyofunuliwa katika Ufunuo 12 limevikwa nuru ya upendo wa Mungu. Upendo huu unafunuliwa katika majira ya kuburudisha yanayounganishwa na kuhesabu saba kwa mujibu wa Kanuni ya Sabato-Saba. Sabato ni wakati ambao Baba alidhihirisha furaha yake kuu katika Mwanawe. Tunamwona mtume Yohana akiwa amevaa vazi hili anaposema:

1 Yohana 3:1 Tazameni, ni pendo la namna gani alilotupa Baba, kwamba tuitwe wana wa Mungu;

Hili ndilo vazi ambalo Kristo alivaa alipokuwa akikabilia na Shetani nyikani. Alishikilia uhakikisho huu wakati wa ubatizo wake.

Mathayo 3:17 Na tazama, sauti kutoka mbinguni ikisema, Huyu ni Mwanangu, mpendwa wangu, ninayependezwa naye. (*Tyndale*)

Kanisa la Mungu linashinda kwa damu ya mwana-kondoo (dhabihu) na neno la ushuhuda wao, na ushuhuda wao ni kwamba wao ni watoto wa Mungu kweli, wanaopendwa na Baba. Ushuhuda huu unawajia hasa katika Kanuni ya Sabato-Saba.

Kwa hiyo tukirudi kwenye jua na mwezi kuhusiana na mawimbi, tunaona kwamba Sabato ya kila juma hutunzwa kwa kuhesabu mwendo wa saba wa jua kuhusiana na dunia. Sikukuu za kila mwaka zote hutukia katika miezi saba ya kwanza ya mwaka wa Kiebrania na zinahitaji kuhesabiwa kwa mizunguko saba ya mwezi kuhusiana na dunia. Ikiwa jua na mwezi vina athari kwa mawimbi ya bahari, je, inaweza pia kuwa wakati Sabato ya juma inapoangukia ndani ya Sabato ya kila mwaka (kama vile Pasaka na Vibanda) kunaweza kuwa na wimbi kubwa la baraka za kiroho?

Yohana 19:31 Basi Wayahudi, kwa kuwa ni Maandalio, miili isikae juu ya msalaba siku ya sabato, (**maana sabato hiyo ilikuwa siku kuu**), wakamwomba Pilato miguu yao ivunjwe, na kwamba waweze kuondolewa.

Kristo alisulubishwa siku ya Ijumaa, wakati wa Pasaka. Alipomaliza kazi yake ya uumbaji siku ya sita ya juma na kupumzika siku ya saba (Mwanzo 2:1-3), Kristo alilia “Imekwisha” siku ya sita ya juma na kupumzika siku ya saba (Mwanzo 2:1-3). Yohana 19:30; Luka 23:54-56). Siku iliyofuata kifo cha Kristo ilikuwa Sabato ya siku ya saba na kwa kuwa Sabato hii ilikuwa wakati wa sikukuu ya mikate isiyotiwa chachu, Yohana aliita hii Sabato kuu. Hii ilikuwa ni Sabato ya kila juma iliyounganishwa na sikukuu ya kila mwaka. Neno katika Kigiriki linaweza pia kutafsiriwa kuwa kubwa. Je, inawezekana kwamba Sabato na sikukuu zinapoingiliana, sauti ya Baba yetu kwa watoto Wake inazungumza nasi zaidi na kufikia kwa undani zaidi ndani ya mioyo yetu tunapoitikia mwito Wake?

Kama wimbi la juu la bahari, je, inawezekana kwamba kuna wimbi la juu zaidi la Roho akisema ndani ya nafsi zetu nyakati hizi?

Kwa kusoma Hesabu sura ya 28 na 29 utaona kwamba katika Sabato ya kila juma kiasi cha matoleo, unga, na mafuta huongezeka maradufu kutoka katika matoleo ya kila siku. Kisha kutoka hapo yanaendelea kuongezeka maradufu kila Mwandamo wa Mwezi Mpya na Sabato za kila mwaka. Unga na mafuta hufanya mkate ambao unawakilisha Masihi wetu (Yohana 6:48-51). Maana ni wazi -- katika kila Sabato (pamoja na Nyakati Zake Zote Zilizowekwa) tunapokea sehemu mbili za baraka za Roho Wake Mtakatifu - Uwepo uleule wa Yesu Mwenyewe (Wagalatia 4:6-7).

Mwanamke anasimama juu ya mwezi katika Ufunuo 12. Na kitabu cha Zaburi kinasema:

Zaburi 104:19 **Aliweka mwezi kwa ajili ya majira [moédim]**, jua linajua kushuka kwake.

Bwana ameweka mwezi kwa ajili ya majira au *moédim*. Tunaposikiliza sauti ya Baba yetu kulingana na uteuzi Wake, basi sauti Yake inafahamika zaidi kwetu na kusema, “Wewe ni mtoto wangu mpendwa ninayependezwa naye.”

Hili linapatana kabisa na uhusiano wa Baba na Mwana. Kama vile Mwana wa Mungu alivyo mng'ao wa utukufu wa Baba, vivyo hivyo miadi ya kila mwaka hurahisisha upendo wa Baba kwetu kupitia Kristo Mwanawe katika miadi ya kila juma. Kwa zaidi kuhusu kanuni hii tazama kitabu *Divine Pattern of Life* kinachopatikana katika *fatheroflove.info*.

Ikiwa mtume Yohana aliita mchanganyiko wa siku ya kwanza ya mkate usiotiwa chachu na Sabato ya kila juma kuwa siku kuu, basi ni nini kinachoweza kuwa juu yake isipokuwa kile ambacho Sabato ilikusudiwa hapo awali - baraka kutoka kwa Baba yetu kwa kiwango kikubwa zaidi. Onja mwenyewe uone.

Ufunuo 14:1 Kisha nikaona, na tazama, Mwana-Kondoo amesimama juu ya **mlima Sayuni**, na watu mia na arobaini na nne elfu pamoja naye, **wenye jina la Baba yake limeandikwa katika vipaji vya nyuso zao.**

Tunapotiwa muhuri na Roho wake tunatiwa muhuri kwa jina lake - tabia yake. Tabia ile ile ya kutokuwa na ubinafsi ambayo Sabato ni ishara yake. Jina la

Mungu (tabia) litatolewa tena kikamili katika watu Wake kama shahidi wa mwisho dhidi ya uwongo wa Shetani. Mungu atatimiza kazi yake kuu ya “kuteka nyara kila fikira ipate kumtii Kristo.” (2 Wakorintho 10:5) nasi tutaingia kikamili katika pumziko la Mungu.

Ufunuo 19:7 Na tufurahi, tukashangilie, tukampe utukufu wake; kwa maana arusi ya Mwana-Kondoo [Yesu] imekuja, na mkewe [kanisa Lake] amejijweka tayari.

Tunaweza kuona haya yote katika mchanganuo wa neno la Kiebrania la Sabato - Shabbath. **SH = Jina** (kwa mfano: *Shemu* maana yake *Jina*). **AB = Abba/Baba**. **B = Mahali pa Kukaa** (kwa mfano: *Bethlehemu* ina maana ya “makao ya mkate” na Betheli ina maana ya “makao ya Mungu”). **ATH = Kiapo/Ishara**. Ukiyaweka haya yote pamoja inaonyesha kile ambacho *Sabato* ina maana kwetu: “**makao ya ishara ya Baba.**” Kwa kuzingatia ukweli kwamba jina la Baba litatiwa muhuri katika vipaji vya nyuso zetu hatupaswi kutazama mbali zaidi ya ishara ya Shabbath - **sABBAtH** (SABATO).

Wagalatia 4:6 Na kwa kuwa ninyi mmekuwa wana, Mungu alimtuma Roho wa Mwanawe moyoni mwenu, aliaye, **Abba**, yaani, **Baba**.

Ikiwa Sabato ya siku ya saba ni baraka ya kiadili na sikukuu huchukua jina la Sabato juu yao, basi je, hawarithi baraka hii pia? Kristo anaporithi baraka kamili ya Baba yake, basi je, sikukuu hazirithi baraka kamili ya Sabato? Kama vile Mwana wa Mungu alivyo mng’ao wa utukufu wa Baba, basi je, sikukuu hizo si mng’ao wa utukufu wa Sabato?

Je, kweli ni vigumu sana kuona kwamba Shetani hataki watu wapokee baraka kamili za Baba wa mbinguni kupitia Kristo? Atafanya kila awezalo kukomesha hili. Amefikiria kubadili sikukuu takatifu na sheria. Shetani hataki ubarikiwe rafiki yangu. Hataki wewe uguswe na huyo Roho mtamu wa Yesu anayekuja kwa kasi katika nyakati zilizowekwa kwa ajili ya kuburudishwa. Tazama anasimama mlangoni na kubisha kwa ajili ya wale wenye njaa na kiu kwenye chemchemi ya haki.

Ushuhuda wa Kihistoria

Kila Sabato Wayahudi hadi leo husoma kile kiitwacho, “Torati na Haftarah.” Hizi ni sehemu za Maandiko kutoka katika Torati na Manabii ambapo zinahusiana. Yesu aliposema, “Msidhani ya kuwa nalikuja kuitangua torati au manabii...” (Mathayo 5:17), alikuwa akimaanisha “Torati na Haftarah.” Yesu aliposoma Isaya 61:1-2 siku ya Sabato moja, kama ilivyoandikwa katika Luka 4:16-21, alikuwa akisoma sehemu ya Haftarah kwa ajili ya Sabato hiyo.

Luka 4:18-19 Roho wa Bwana yu juu yangu, Kwa maana amenitia mafuta kuwahubiri maskini Injili; amenituma kuwatangazia wafungwa kufunguliwa kwao, na vipofu kupata kuona tena, kuwaacha huru waliosetwa, **na kuhubiri mwaka wa Bwana uliokubaliwa.**”

Kiuhalisia wafafanuzi wote wanakubali kwamba “mwaka wa Bwana uliokubalika” unarejelea mwaka wa sabato (mwaka wa saba) au mwaka wa Yubile (mwaka wa hamsini, baada ya Sabato saba za miaka). Ni muhimu kwamba Kristo katika hotuba yake ya ufunguzi anatangaza utume Wake wa Kimasihi katika lugha ya mwaka wa sabato. Sabato hizi za mwaka mzima zikawa mkombozi wa walioonewa. Katika nyakati hizi...

1. Ardhi ilipaswa kupumzika, ili kutoa mazao ya bure kwa maskini, wasio na makazi na wanyama (Kut. 23:11; Mambo ya Walawi 25:6; Kumbukumbu la Torati 24:19-22; Mambo ya Walawi 19:9-10).
2. Madeni yaliyodaiwa yalisamehewa (Kumbukumbu la Torati 15:1-6).
3. Watumwa waliwekwa huru (Kutoka 21:2-6; Kumbukumbu la Torati 15:12-18).
4. Urejeshaji wa mali kwa mwenye nayo (Mambo ya Walawi 25:29-34).

Ni wazi kutokana na kusoma Agano Jipya na historia kwamba wafuasi wote wa Yesu waliendelea kutunza nyakati za kuburudishwa muda mrefu baada ya kifo Chake.

“Kila mahali, hasa katika Mashariki ya Milki ya Roma, kungekuwa na Wakristo Wayahudi ambao mtindo wao wa maisha wa nje haungekuwa tofauti kabisa na ule wa Wayahudi ... kwao agano jipya, ambalo Yesu alikuwa ameweka kwenye Karamu ya Mwisho pamoja

na wanafunzi wake na kutiwa muhuri kwa kifo chake, haikumaanisha kwamba agano lililofanywa kati ya Mungu na Israeli halikuwa na nguvu tena. **Bado walishika sikukuu ya Pasaka, Pentekoste na Vibanda;** pia waliendelea kutahiriwa, **kushika Sabato ya kila juma** na kanuni za Musa kuhusu chakula. ...lazima walikuwa na nguvu sana hadi kufikia anguko la Yerusalemu katika A.D. 70 walikuwa ndio sehemu kuu katika harakati ya Kikristo.” (W.D. Davies, *Paul and Jewish Christianity*, p. 72).

Sabato: Marko 1:21; 6:2; Luka 4:16, 31; 6:6; 23:56; Matendo 13:14; 42-44; 15:21; 15:13; 17:2; 18:4. (Kumbuka: Sabato zote za Mungu, za kila juma au za kila mwaka, huamuliwa na jua na huanza jua linapotua. Law. 23:32; Neh. 13:19. Sabato ya kila juma huanza wakati wa machweo ya Ijumaa na kuishia Jumamosi jua linapotua. Isaya alisema mapema kwamba watu wa Mungu watakuwa wanaadhimisha Mwandamo wa Mwezi Mpya na Sabato katika dunia mpya.”(Isa. 66:22-23).

“Wakristo wa zamani walikuwa na heshima kubwa kwa ajili ya Sabato, na walitumia siku hiyo katika ibada na mahubiri. Na haipasi kutiliwa shaka bali **waliipata desturi hii kutoka kwa Mitume wenyewe,** kama inavyoonekana katika maandiko kadhaa kuhusu kusudi hilo.” (Dialogues on the Lord’s Day, p. 189. London: 1701, Na Dr. T.H. Morer; *A Church of England Divine*).

“...Sabato ilikuwa ni kifungo chenye nguvu kilichowaunganisha na maisha ya watu wote, **na katika kuitakasa Sabato walifuata, si mfano tu, bali pia amri ya Yesu.**” (*Geschichte des Sonntags*, uk.13,14).

“Wakristo wa kale walikuwa waangalifu sana katika kuadhimisha Jumamosi, au siku ya saba... hukusanyika siku ya Sabato, si kwa sababu walikuwa wameambukizwa Dini ya Kiyahudi, bali kumwabudu Yesu, Bwana wa Sabato, Epifanio asema vivyo hivyo.” (*Antiquities of the Christian Church*, Vol.2 Book XX, sura ya 3, sek.1, 66. 1137,1138).

Pasaka/Mkate Isiyotiwa Chachu: Luka 22:13-16 (Kumbuka: Yesu anawaagiza watu wake kuendelea kusherehekea Pasaka, si kwa dhabihu ya mnyama iliyo na damu, bali kwa mkate usiyotiwa chachu na divai isiyotiwa chachu.” Anasema sikukuu ya Pasaka haitafutwa kwa kifo Chake, lakini kwamba inadumu “mpaka itakapotimizwa

katika ufalme wa Mungu” hivyo inarejelea “karamu ya arusi ya Mwana-Kondoo.” (Ufunuo 19:9); Matendo 12:4 (Kumbuka: Biblia ya KJV inatumia neno Easter katika Matendo 12:4, lakini neno la Kigiriki ni pascha (Pasaka); Matendo 12:3; 20:6; 1 Wakorintho 5:6-8 (Kumbuka: Hakungekuwa na haja ya Paulo kurekebisha tabia zao wakati wa msimu wa Pasaka kama Pasaka haikupaswa kuadhimishwa na waumini wa Kikristo. Tatizo hapa si sikukuu ya Pasaka, bali kile kinachofundishwa na kufanywa wakati wa sikukuu. Kanisa la Korintho lilijumuisha baadhi ya Wayahudi (1 Wakorintho 7:18-19), lakini kwa sehemu kubwa iliundwa na waongofu wasio Wayahudi (1 Wakorintho 6:9-11; 8:7; 12:2).

Mmoja wa wanafunzi wa Yohana anatupa picha ya kile ambacho mtume Yohana aliamini. Yohana aliamini kwamba maadhimisho ya Pasaka yalikuwa sehemu ya injili.

Polycrates (mwaka wa 195 BK): “Kwa hiyo twaadhimisha siku bila kugeuzwa, bila kuongeza wala kuondoa, kwa maana katika Asia [Ndogo] wabeba nuru wakuu wamelala, nao watafufuka siku ya kuja kwake Bwana, atakapokuja na utukufu kutoka mbinguni na kuwachukua watakatifu wote. Hawa walikuwa Filipino... na wawili wa binti zake... **Pia kuna Yohana aliyelala kwenye kifua cha Bwana...** Na pia kuna Polycarp kule Smirna, askofu na mfiia imani, na Thrases, askofu na mfiia imani, kutoka Eumeneae...[Pia] Sagaris, ... Papirius,...na Melito...**wote hawa waliishika siku ya kumi na nne ya Pasaka kulingana na injili, bila kukengeuka, lakini wakifuata kanuni ya imani.** Na mimi pia, Polycrates, aliye mdogo kabisa kati yenu nyote, ninaishi kulingana na mapokeo ya jamaa zangu, na baadhi yao nimeyafuata. Kwa maana saba wa familia yangu walikuwa maaskofu na mimi ni wa nane, na jamaa zangu waliishika siku ambayo watu waliweka mbali chachu. Kwa hiyo, ndugu zangu, mimi niliyeishi miaka sitini na mitano katika Bwana na kuzungumza na ndugu wa kila nchi, na kuyasoma Maandiko Matakatifu yote, siogopi vitisho; Ni bora kumtii Mungu kuliko wanadamu.” (Eusebius. *Church History*, Book V, Sura ya 24; *Nicene and Post-Nicene Fathers*, Series Two, Gombo la 1).

Malimbuko: Hakuna kutajwa maalum kwa sikukuu hii katika Agano Jipya, lakini maana ya mfano inarejelewa wazi katika 1 Wakorintho 15:20-23. Katika Ezekieli 45:21 inasema, “Mwezi wa kwanza, siku ya

kumi na nne ya mwezi, mtakuwa na pasaka, sikukuu ya siku saba; mikate isiyotiwa chachu italiwa.” Kama inavyoonekana katika mstari huu Pasaka inahusisha kipindi chote cha Mikate Isiyotiwa Chachu. Hii ingejumuisha Malimbuko ambayo huangukia siku ya kwanza baada ya Sabato ya kwanza wakati wa siku za mikate isiyotiwa chachu.

Sikukuu ya Majuma/Pentekoste: Matendo 2; 20:16.

Sikukuu ya Baragumu: Hakuna kutajwa maalum kwa sikukuu hii katika Agano Jipya, lakini maana ya mfano inarejelewa wazi katika 1 Wakorintho 15:52; Ufunuo 8:2,6.

Siku ya Upatanisho: Matendo 27:9 (Kumbuka: Neno “Mfungo” linalotajwa hapa linamaanisha Siku ya Upatanisho ambayo mara nyingi huchukuliwa kuwa siku ya kufunga); Ufunuo 11:18-19 (Kumbuka: Sanduku la ushuhuda wake katika KJV inarejelea sanduku la agano. Siku ya Upatanisho, Yom Kippur, kuhani mkuu angeingia Patakatifu pa Patakatifu pa hekalu ambapo sanduku Hapo angetakasa patakatifu kwa njia ya mfano akiwatakasa watu kutokana na uongo wote ambao Shetani ameanzisha dhidi ya Mungu, Mambo ya Walawi 16; Danieli 8:14. Sikukuu ya Baragumu na Upatanisho ilizingatiwa kihistoria kuwa wakati wa kutiwa muhuri na wa hukumu. Tazama pia Ufunuo 14:6-7).

Sikukuu ya Vibanda: Yohana 7. Hakuna kutajwa maalum kwa sikukuu hii zaidi katika Agano Jipya, lakini maana ya ishara ya wakati wa mwisho inarejelewa kwa uwazi katika Ufunuo 21:3. (Kumbuka: Zekaria sura ya 14 inazungumza juu ya watu wa Mungu kushika sikukuu hii hata baada ya ujio wa pili wa Kristo).

Unapokubali kwamba furaha ya Baba inatolewa kwa watoto Wake kupitia kwa Kristo katika Kanuni ya Sabato Saba, ni jambo rahisi kuona miadi yote ya Bwana kama sehemu ya injili.

Kuna wengi wanaoamini kwamba sikukuu za Bwana hazikuwa sikukuu za kiroho kwa wale wanaoishi kabla ya Msalaba. Wanaamini kwamba sikukuu hizo zilikuwa ishara tu za kazi ya Kristo mamia ya miaka baada ya siku yao. Imani kama hiyo inakataa kazi ya Kristo katika injili kabla ya msalaba na kwamba nuru ya Kalvari ilianguka kutoka kwenye uso wa Musa. **Kuna njia moja tu unaweza kupata pumziko, nayo ni kupitia Roho wa Kristo.** Maandiko yote

yafuatayo yanazungumza juu ya pumziko, kupumzika katika furaha ya Baba katika Kristo.

Kutoka 16:23 Akawaambia, Hili ndilo alilonena Bwana, Kesho ni **pumziko** [H7677 - Shabathon] la Sabato takatifu kwa BWANA;

Kutoka 31:15 Kazi ifanyike siku sita; lakini siku ya saba ni Sabato ya kustarehe kabisa [H7677 - Sabbathon], takatifu kwa BWANA; mtu awaye yote atakayefanya kazi yo yote katika siku ya sabato, hakika yake atauawa.

Mambo ya Walawi 16:30-31 Kwa maana siku hiyo upatanisho utafanywa kwa ajili yenu, ili kuwatakaswa; nanyi mtatakaswa na dhambi zenu zote mbele za BWANA. Ni Sabato ya raha [H7677 - Shabbathon] ya makini kwenu nanyi mtajitaabisha roho zenu; ni amri ya milele.

Mambo ya Walawi 23:24 Nena na wana wa Israeli, uwaambie, Mwezi wa saba, siku ya kwanza ya mwezi huo, mtakuwa na **Sabato**, [H7677 - Shabbathon] ukumbusho wa kuzipiga tarumbeta, ni kusanyiko takatifu.

Mambo ya Walawi 23:39 Tena, siku ya kumi na tano ya mwezi wa saba, mtakapokwisha kuyakusanya matunda ya nchi, mtamfanyia Bwana sikukuu muda wa siku saba; siku ya kwanza itakuwa ni **Sabato**, na siku ya nane itakuwa ni **Sabato**. [H7677 – Shabbathon].

Zingatia kwamba kwa kila moja ya nyakati zilizo hapo juu neno Shabbathon linatumiwa. Neno pumziko hapa ni raha kabisa inayopatikana ndani ya Kristo. Haiwezekani kupumzika au Shabbat nje ya Kristo.

Mathayo 11:28 Njoni kwangu, ninyi nyote msumbukao na wenye kulemewa na mizigo, nami nitawapumzisha. Maana yeye aliyeingia katika raha yake, amestarehe pia katika kazi zake mwenyewe, kama vile Mungu alivyostarehe katika kazi zake.

Waebrania 4:11 Basi na tufanye bidii kuingia katika raha hiyo, ili mtu awaye yote asije akaanguka kwa mfano uo huo wa kutokuamini.

Neno pumziko lililotumiwa na Kristo ni *sabbaton* ambalo ni sawa na neno la Kigiriki-*Shabbathon*. Kwa hiyo amri ya nne inaweza tu kuwekwa ndani ya injili, injili ambayo hutuletea furaha ya Baba kwa Roho wa Kristo.

Sabato Kiukamilifu Zaidi

Tumeona kwamba utunzaji wa Sabato wa kweli ni kuingia katika “pumziko lake” (Waebrania 4:11), si yetu wenyewe. Mungu hakupumzika kwa sababu alikuwa amechoka: “Je! Hujasikia ya kwamba Mungu wa milele, BWANA, Muumba miisho ya dunia, hazimii, wala hachoki? (Isaya 40:28). Hii ndiyo sababu kupumzika tu siku ya saba ya juma kutoka kwenye kazi yako kama “wajibu” sio kutunza siku ya Sabato hata kidogo. Hiki ndicho ambacho Yesu alikuwa akiwafundisha wasikilizaji wake Wayahudi, akiwaita watubu na kuingia katika “pumziko la kweli la Sabato ya Mungu” kwa kupumzika (kuamini) katika kazi Zake za uumbaji ambazo anatamani sana kuzifanya ndani ya mwanadamu, akituumba upya katika maisha mapya (yasiyo na ubinafsi), na kuturudisha katika mfano na sura yake. Kama Yesu alivyofundisha katika Mathayo 11:28 hapo juu, ni uwepo Wake tu ambao unaweza kufanya kitu kuwa kitakatifu na kuleta pumziko la kweli.

Kutoka 33:14 Akasema, Uso wangu utakwenda pamoja nawe, nami nitakupa raha.

Nimekuwa mshika Sabato maisha yangu yote. Nimehudhuria ibada za kikanisa kwa muda wote huu. Sabato ilikuwa imefafanuliwa kwangu kama wakati maalum wa ushirika na Bwana. Ni siku yake maalum. Si mara moja katika wakati huo wote ilifafanuliwa kwangu kwamba Sabato, kwa kweli, ni zawadi maalum ya Roho Mtakatifu. Niliposoma maandishi ya A.T. Jones kuhusiana na Sabato, nilikutana na kauli ifuatayo katika mojawapo ya mahubiri yake:

Ni nini kilichoifanya siku hiyo kuwa takatifu? [Kusanyiko: “Uwepo wa Mungu.”] Uwepo wa Mungu hufanya vitu kuwa vitakatifu. Hufanya mahali kuwa patakatifu. Humfanya mtu kuwa mtakatifu. Uwepo wa Mungu ulifanya siku kuwa takatifu. Kisha utakatifu wa Mungu unaambatanishwa na siku. Uwepo wa Mungu, uwepo mtakatifu wa Mungu, umeambatanishwa na siku ya saba au ya Sabato. Basi mtu anapoifikia siku hiyo, kwa vile mwanadamu pekee ndiye awezaye kuifikia, mwenye nia ya kiroho—akiwa na nia ya Roho wa Mungu—na kupokea pumziko la kiroho, burudisho la kiroho lililo ndani yake, baraka ya kiroho iliyo ndani yake, je, yeye pia hapokei uwepo huo, anakuwa mshiriki wa uwepo huo, ambao ndani yake kuna utakatifu wa Mungu wa kumgeuza? Anapokea kweli. Na huko ndiko kushika Sabato.

Vema basi aliitakasa siku hiyo, lakini sihitaji kuyarudia maandiko hayo pia. Ni nini kinachotakasa? [Kusanyiko: "Uwepo wa Mungu."] Hivyo uwepo wa Mungu, nguvu Zake za kutakasa zipo katika siku ya saba. Ndio hivyo? [Kusanyiko: "Ndiyo."] **Kisha mtu anayekuja kwenye Sabato ya Bwana kulingana na wazo la Bwana la Sabato ya Bwana, na nia yake, anapata pumziko la kiroho. Analipata hapa. Anapata burudisho la kiroho, furaha; anapata baraka za kiroho. Anapata uwepo wa Mungu na utakatifu ambao uwepo huo unaleta ili kumbadilisha.** Na anapata nguvu hiyo ya utakaso katika uwepo ule ulioitakasa siku ya kumtakasa. Haya yote yalifanyika kwa madhumuni gani? Kwa nini sabato ilifanywa? [Kusanyiko: "Kwa mwanadamu."; Marko 2:27]. Ilifanyika kwa ajili ya mwanadamu. **Vema basi, Mungu alipumzika na kuweka pumziko Lake la kiroho siku hiyo kwa ajili ya mwanadamu, sivyo? [Kusanyiko: "Ndiyo."] Kuburudisha kwa Mungu, kushangilia Kwake katika siku hiyo kulikuwa kwa mwanadamu. Baraka aliyoibariki nayo ilikuwa kwa ajili ya mwanadamu.** Utakatifu ambao uwepo wake ulileta kwake na ambao uwepo wake ulitoa kwake, ulikuwa kwa ajili ya mwanadamu. Uwepo wake wa kutakasa ulikuwa kwa ajili ya mwanadamu. Basi haikuwa hivyo kwamba mwanadamu kupitia Sabato angeweza kuwa mshiriki wa uwepo wake na kufahamishwa kwenye uzoefu wa kuishi na pumziko la kiroho la Mungu, baraka za kiroho, utakatifu, uwepo wa Mungu kufanya utakatifu, uwepo wa Mungu ili kumtakasa? **Je, si ndivyo Mungu alivyokusudia Sabato ilete kwa mwanadamu? Vema, mtu anayepata hayo yote katika Sabato ni mtu ambaye ni mshika-Sabato. Na pia anaijua. Anaijua na anafurahia kuijua.**

Sasa jambo lingine: Ni nani aliyekuwa wakala halisi katika kuumba? [Kusanyiko: "Kristo."] Ni nani aliyepumzika? [Kusanyiko: "Kristo."] Ni nani aliyeburudishwa? [Kusanyiko: "Kristo."] Ni nani aliyebarikiwa? [Kutaniko: "Kristo."] Ni uwepo wa nani uliifanya kuwa takatifu? [Kusanyiko: "Wa Kristo"] Ni kuwapo kwa nani siku hiyo? [Kusanyiko: "kwa Kristo."] Kisha mtu ambaye kuwapo kwa Yesu Kristo hakumtakasi, na hakufanyi kuwa mtakatifu na hakumbariki na ambaye kwake hakuleti pumziko, hawezi kutunza Sabato. Je! huoni, ni pamoja na Kristo ndani ya mwanadamu ndipo Sabato inaweza

kutunzwa; kwa sababu Sabato inaleta na ina ndani yake uwepo wa Kristo.” (A.T. Jones *GCB Sermon* 20, 1893).

Angalia jinsi marehemu A.T. Jones anavyofunua kwa uangalifu kwamba baraka katika Sabato ni uwepo wa Mungu na uwepo wa Kristo. Sikuwa na ufahamu huu hapo awali, licha ya ukweli kwamba nilikuwa “nikishika” Sabato maisha yangu yote. Kwa nini haipigwi tarumbeta kwa mataifa kwamba kipimo kamili cha kipawa cha Roho Mtakatifu kinapatikana katika Sabato? Hii ndiyo njia pekee inayowezekana ambayo Sabato inaweza kuwa muhuri wa Mungu, kwa maana tumetiwa muhuri na Roho Mtakatifu.

Waefeso 4:30 Wala msimhuzunishe Roho Mtakatifu wa Mungu; ambaye kwa yeye mlitiwa **muhuri** hata siku ya ukombozi.

Waefeso 1:13 Mmekwisha kulisikia neno la kweli, habari njema za wokovu wenu ndani yake; tena mlipokwisha kumwamini yeye, **mlitiwa muhuri na yule Roho Mtakatifu wa ahadi.**

Ahadi ya Roho Mtakatifu huja kwetu katika majira ya kuburudishwa. Roho Mtakatifu ameahidiwa kwetu kwa nyakati zilizowekwa. Ili kufafanua jambo hili, fikiria wakati wa zawadi iliyoahidiwa ya Roho Mtakatifu baada ya ufufuo wa Kristo.

Matendo 1:7-8, 2:1-2; 4, 7-8, 13-15 Akawaambia, Si kazi yenu kujua nyakati wala majira, Baba aliyoweka katika mamlaka yake mwenyewe. **Lakini mtapokea nguvu, akiisha kuwajilia juu yenu Roho Mtakatifu;** nanyi mtakuwa mashahidi wangu katika Yerusalemu, na katika Uyahudi wote, na Samaria, na hata mwisho wa nchi. **Siku ya Pentekoste** ilikuwa imefika, walikuwa wote kwa nia moja mahali pamoja. Ghafla, sauti ikasikika kutoka mbinguni, kama sauti ya upepo wa nguvu ukienda kasi, ikajaza nyumba yote waliyokuwa wameketi; **wote wakajazwa Roho Mtakatifu,** wakaanza kusema kwa lugha nyingine, kama Roho alivyowajalia kunena.... Wakastaajabu wote wakastaajabu, wakiambiana, Tazama, hawa wote wasemao si Wagalilaya? Imekuwaje basi sisi kusikia kila mtu lugha yetu tuliyojaliwa nayo?... Wengine wakadhihaki wakisema, Watu hawa wamelewa divai mpya. Lakini Petro akasimama pamoja na wale kumi na mmoja, akapaza sauti yake, akawaambia, Enyi watu wa Uyahudi, na ninyi nyote mkaao Yerusalemu, lijueni jambo hili,

mkasikilize maneno yangu; mdhaniavyo, **kwa kuwa ni saa tatu tu ya mchana.**

Roho Mtakatifu alimwagwa kwa nguvu nyingi baada ya kuhesabu majuma saba pamoja na siku moja baada ya sikukuu ya Malimbuko. Ikaja saa ya tatu ambayo ni wakati wa dhabihu ya asubuhi.

Tunakumbuka kwamba kuna karama ya Roho kila siku kulingana na dhabihu ya asubuhi na jioni. Sadaka ya asubuhi ilikuwa saa ya tatu na dhabihu ya jioni ilikuja baada ya muda wa saa sita. Kwa hiyo karama ya Roho ilikuja siku ya Pentekoste wakati wa kutoa dhabihu ya asubuhi. Hili sio tukio la bahati nasibu lakini haswa kulingana na wakati wa Baba yetu. Mwanamke anayesimama juu ya mwezi na kuvikwa jua alijua kukusanyika wakati huu uliowekwa ili kupokea baraka ya Baba yetu kupitia Bwana Yesu.

Kwa hivyo, kuna baraka maalum ambayo huja kila siku. Inakuja pamoja na dhabihu ya asubuhi na jioni. Kwetu sisi leo hii ina maana kusanyiko la ibada ya asubuhi na jioni ili kupokea zawadi ya Baba yetu kwa kutambua dhabihu ya Mwokozi wetu.

Kwa miaka mingi niliona ibada ya asubuhi na jioni kuwa ngumu sana kudumisha. Sasa kwa vile ninajua kwamba hizi ni miadi maalum kutoka kwa Baba yetu kupokea zawadi ya kila siku ya Roho Wake, zimekuwa furaha, na sio mzigo. Si kazi inayofanywa ili kustahili wokovu, bali ni kupokea haki ya Kristo kwa imani na kuja anapoita. Je, ungependa kupokea kipawa cha Roho kinachokuja asubuhi na jioni? Je! unahitaji zawadi kama hiyo? Ikiwa Baba yetu anatutolea sisi, basi je, hii haipendekezi kwamba TUNAhitaji?

Isaya 58:13-14 Kama mkiizuia miguu yenu isikanyage Sabato, msitafute mambo yenu wenyewe katika siku yangu takatifu; na ukiiheshimu kwa kutokwenda katika njia zako mwenyewe na kutafuta kujipendeza mwenyewe au kusema maneno yasiyo na maana, **ndipo utajifurahisha katika BWANA**, naye atakuendesha juu ya vilele vya dunia; naye atakufanyia karamu urithi wa babu yako Yakobo, baba yako. Ndiyo! Kinywa cha BWANA kimesema. (ISV)

Mshika Sabato wa kweli ni yule anayeamini kwamba Baba yetu hutuma Roho Wake kwetu kwa nyakati zilizowekwa. Kama vile tunavyokula kwa nyakati zilizowekwa na kubebwa kwa nguvu ya chakula hicho kwa muda wa saa tano

au sita, vivyo hivyo tunapokea karama za Roho kwa nyakati zilizowekwa na kutembea katika nguvu za nyakati hizo zilizowekwa. Hii ni Sabato kamilifu zaidi.

Kwa nini wenye haki wanatangaza Sabato kikamilifu zaidi? Ni kwa sababu kupitia Sabato wanapokea karama maalum za Roho Mtakatifu. Je, Shetani anataka watu wapokee vitu hivi? Hakika sivyo! Angalia Ufunuo 12:17:

Joka [Shetani, tazama fungu la 9] akamkasirikia yule mwanamke, akaenda zake afanye vita juu ya wazao wake waliosalia, **wazishikao amri za Mungu**, na kuwa na ushuhuda wa Yesu.

Watu wa Mungu ‘wanazishika amri za Mungu. Hii ndiyo sababu kwa nini Shetani alifanya kazi kupitia nguvu ya “pembe ndogo” kubadili sikukuu takatifu.

Danieli 7:25 Naye [pembe ndogo] atanena maneno kinyume chake Aliye juu, naye atawadhoofisha watakatifu wake Aliye juu, **na ataazimu kubadili MAJIRA na sheria**; nao watatiwa mikononi mwake hata wakati na nyakati na nusu wakati.

Au, kama New Living Translation inavyosema:

Yeye [pembe ndogo] atamdharau Aliye Juu Zaidi na kuwaonea watakatifu wa Aliye Juu Zaidi. **Atajaribu kubadili SHEREHE/SIKUKUU na sheria zao TAKATIFU**, nao watawekwa chini ya udhibiti wake kwa wakati, nyakati na nusu wakati.

Pembe Ndogo

Kabla ya kuanza sehemu hii, tungependa kusisitiza kwamba hatutoi hukumu kwa mtu yeyote. Yeyote anayemhukumu na kumlaani mwingine anajihukumu na kujilaani tu, kwa sababu sisi sote tunafanya mambo yale yale (Warumi 2:1; Mathayo 7:1-2). Sisi sote tumefanya dhambi na kupungukiwa na utukufu (tabia) wa Baba yetu asiye na hatia. (Warumi 3:23). Matukio yanayoonyeshwa katika historia ya mwanadamu ni dhihirisho kubwa la chuki yetu ya asili iliyoanguka dhidi ya Mwana wa Mungu inayochochewa na adui mkuu Shetani mwenyewe. Matukio haya ni kivuli cha picha na ushahidi wa vita vya kiroho vya kweli dhidi ya uongo - pambano kuu kati ya Kristo na Shetani.

Lakini “sherehe takatifu na sheria” hizi zilibadilishwaje? Swali hili linahitaji uchunguzi wa historia ili kujifunza hadithi ndefu na ya kusikitisha ya jinsi Pembe Ndogo ilivyobadilisha Sabato na sikukuu. Kwa muhtasari wa jumla wa historia hii tafadhali soma vitabu *Great Controversy* na *Life Matters* vyote vinavyopatikana katika *fatheroflove.info*. Tutatoa muhtasari wa kimsingi wa Utambulisho na shughuli za Pembe Ndogo ili kushughulikia swali hili kuhusu jinsi sikukuu na sheria takatifu zilivyobadilishwa.

Mapema katika Danieli sura ya 7 Danieli asema kwamba mamlaka hii ya “pembe ndogo” inatokea kutoka kwa mnyama wa nne kati ya hayawani wanne aliowaona katika maono. Malaika Gabrieli anajulisha Danieli kwamba hawa wanyama wanne wanawakilisha falme nne za ulimwengu. Kuhusu mnyama wa nne Gabrieli anasema:

Danieli 7:23-24 ... Huyo mnyama wa nne atakuwa ni ufalme wa nne juu ya dunia, ambao utakuwa tofauti na falme zote, nao utakula dunia yote. ... Na zile pembe kumi katika ufalme huo ni wafalme kumi watakaoinuka; na mwingine [pembe ndogo] atatokea baada yao; naye atakuwa tofauti na wa kwanza, naye atawashinda wafalme watatu.

Ijapokuwa hatutachambua mambo hayo yote kwa undani sana, tungependa kumjulisha msomaji kwamba wasomi na walimu wa Biblia wamefundisha kwa karne nyingi kwamba hayawani-mwitu wanne wanawakilisha falme nne za ulimwengu za Babeli (iliyowakilishwa na simba), Umedi na Uajemi (iliyowakilishwa na dubu), Ugiriki (iliyowakilishwa na chui) na Roma (iliyowakilishwa na mnyama mwenye sura ya kutisha aliyekuwa na pembe kumi). Danieli alisema hii “pembe ndogo” inainuka kutoka kati ya hizo pembe kumi nyingine juu ya mnyama huyu wa nne (rej. Mstari wa 8), hivyo mamlaka hii lazima izuke kutoka Rumi. Baada ya muda Rumi imekuwa na awamu mbili - Roma ya Kipagani na Roma ya Upapa. Roma ya Kipapa ilipopata kutawala, kanisa la Roma liliingiza mafundisho ya kipagani katika Ukristo wa Kikatoliki wa Roma na kuanza kulazimisha mafundisho yake kwa kutumia Serikali. Hivyo ufalme huu wa nne kwa hakika uko “mbali na falme zote,” kwa kuwa ni mamlaka ya kidini na kisiasa yenye kanisa linaloongoza Serikali.

Katika Danieli sura ya 8 Danieli anaona pembe iyo hiyo ndogo katika awamu yake ya kipagani ya kisiasa “ilipokua sana, kuelekea kusini, na kuelekea

mashariki, na kuelekea nchi ya uzuri.” (Danieli 8:9). Kisha katika mstari wa 10 awamu ya upapa inachukua nafasi inapoanza kuzama zaidi katika mambo ya kidini.

Danieli 8:10-12 Nayo ikakua, kiasi cha kulifikilia jeshi la mbinguni; ikaangusha chini baadhi ya jeshi lile, na ya nyota, ikazikanyaga. Naam, ikajitukuza hata juu yake aliye mkuu wa jeshi hilo, ikamwondolea sadaka ya kuteketezwa ya daima, na mahali pa patakatifu pake pakaangushwa chini. Na jeshi likatolewa kwake pamoja na sadaka ya kuteketezwa ya daima, kwa sababu ya makosa; **nayo ikaiangusha kweli hata chini**; ikatenda ilivyopenda, na kufanikiwa.

Kutupa kweli za mbinguni chini ni ishara ya kuchukua njia na kweli za Mungu na kuziweka upya katika mfumo wa mwanadamu aliyeanguka. Mfumo huu ungewasilisha ufalme wa Mungu katika mfumo wa falme zote za ulimwengu za kinyama. Ufalme wa Mungu “ungebadilishwa” kutoka kwenye upendo na uhuru hadi ufalme wa vita na kulazimishana.

Kwa sababu ya kuanguka kwa wanadamu katika dhambi sasa kwa kawaida hatuamini katika msamaha wa Mungu. Dhambi imesababisha mawazo yetu kubadilika kwa Mungu, tukifikiri kwamba sasa tunapaswa kutenda, kupata kustahili, na kumridhisha Mungu ili Yeye atukubali. Sawa na Dini ya Kiyahudi katika historia, Kanisa la Rumi liliwasilisha sheria ya Mungu kama kanuni ya sheria ambayo lazima itekelezwe kwa adhabu kwa wale wanaoivunja. Wakati wa “Zama hizi za Giza” sheria takatifu ya Mungu “ilibadilishwa” katika akili zetu kutoka kuwa ya kiroho (Warumi 7:14) hadi orodha ya kiholela ya kanuni ambazo zinaweza kurekebisha au hata kufutwa. Teolojia hii mbaya pia imefurika Ukristo wa kisasa wa Kiprotestanti. Shetani ametudanganya tufikiri kwamba mtu akivunja sheria za Mungu basi atalazimika kutekeleza haki ya kimungu ya kutuadhibu kwa mapigo, magonjwa, au hata kifo. Hata hivyo, sheria ya Mungu haifanyi kazi kama sheria ya wanadamu. Sheria ya Mungu ni sheria inayoakisi tabia ya Mtoa Sheria. Ni sheria ya upendo ambayo ukweli wa maisha unafanya kazi. Ndiyo “mshahara wa dhambi ni mauti” (Warumi 6:23), na “dhambi ni uvunjaji wa sheria” (1 Yohana 3:4), lakini si Mungu anayemuua mwenye dhambi kwa kuvunja kanuni zozote. Kifo ni matokeo ya ASILI ya

maisha ya dhambi. Kama ambavyo kifo ni matokeo ya ASILI ya kuruka kutoka kwenye ndege iliyo juu futi 35,000 bila parachuti.

Yakobo 1:14-15 Lakini kila mtu hujaribiwa na tamaa yake mwenyewe huku akivutwa na kudanganywa. Kisha tamaa ikiisha kuchukua mimba huzaa dhambi, na dhambi ikiisha kukomaa huzaa mauti.

Tunapochagua kutembea nje ya mapenzi ya Mungu, zaidi ya sheria ya ulinzi / ua wa Mungu, Mungu hataingilia uhuru wetu wa kuchagua na kwa kawaida tutavuna kile tunachopanda. Mungu si Baba mnyanyasaji. Yeye si jeuri mwenye kiu ya damu. Yeye ni “mwenye rehema na neema, mwenye uvumilivu, mwingi wa fadhili na kweli.” (Kutoka 34:6). Dhambi ilipokuja katika dunia hii Mungu na sheria yake hawakubadilika. Sheria ya Mungu ni nakala ya tabia yake ya kimungu ya haki.

Isaya 51:6-8 Inueni macho yenu mbinguni, mkatazame nchi chini; maana mbingu zitatoweka kama moshi, na nchi itachakaa kama vazi, na wakaa ndani yake watakufa vivyo hivyo: lakini wokovu wangu utakuwa wa milele, na haki yangu haitakomeshwa. **Nisikilizeni, ninyi mjuao haki, watu ambao mioyoni mwenu mna sheria yangu;** msiogope laumu ya wanadamu, wala msiogope matukano yao. Kwa maana nondo atawala kama vazi, na funza atawala kama sufu; lakini haki yangu itakuwa ya milele, na wokovu wangu kizazi hata kizazi.

Kitu pekee kilichobadilika baada ya dhambi kuingia ni sisi sote. Akili zetu, tabia, na haiba zetu zilibadilika. Mawazo yetu kwa Mungu yalibadilika. Hatumwoni tena kuwa Baba mwenye upendo na kusamehe, lakini tunamwona kuwa mungu mwenye hasira ambaye haki yake inadai kifo cha yeyote anayethubutu kutotii sheria zake. Ndivyo ilivyokuwa kesi na kielelezo tulichonacho wakati, baada ya kula tunda walilokatazwa, Adamu na Hawa walijificha kutoka kwenye uwepo wa Mungu, na walipoulizwa na Mungu Adamu akasema, “Nalisikia sauti yako bustanini, **nikaogopa**, kwa sababu nilikuwa uchi; nami nikajificha.” (Mwanzo 3:10).

Sikiliza tu jinsi Shetani alivyolidanganya Kanisa la Roma na kuwashawishi wengi wa ulimwengu kwamba sheria ya Mungu ni orodha ya kanuni za kiholela na kwamba inaweza kubadilishwa au kufutwa:

"Papa ana uwezo wa **kubadili nyakati, kubatilisha sheria**, na kughairi vitu vyote, hata maagizo ya Kristo ... Papa ana mamlaka, na mara nyingi ameyatumia kuondoa amri ya Kristo." (*Decretal, de tranlatic Episcop. Cap.* [Papa anaweza kurekebisha sheria ya Mungu], *Ferraris' Ecclesiastical Dictionary*).

"Inafaa kuwakumbusha Wapresbiterian, Wabaptisti, Wamethodisti, na Wakristo wengine wote, kwamba Biblia haiwaungi mkono popote katika kushika Jumapili. Jumapili ni taasisi ya Kanisa Katoliki la Roma, na wale wanaoshika siku hiyo hushika amri ya Kanisa Katoliki." (Padri Brady, Elizabeth, N.J. "Habari" ya Machi 18, 1903).

"Tunaadhimisha Jumapili badala ya Jumamosi kwa sababu Kanisa Katoliki lililhamisha sherehe hiyo kutoka Jumamosi hadi Jumapili." (Peter Geiermann, CSSR, *A Doctrinal Catechism*, 1957 edition, p. 50).

"Tumefanya mabadiliko kutoka siku ya saba hadi siku ya kwanza, kutoka Jumamosi hadi Jumapili, kwa mamlaka ya Kanisa takatifu, Katoliki, la mitume wa Kristo." (Askofu Symour, *Why We Keep Sunday*).

"Waprotestanti ... wanakubali Jumapili badala ya Jumamosi kuwa siku ya ibada ya hadhara baada ya Kanisa Katoliki kufanya mabadiliko ... Lakini akili ya Waprotestanti haitambui kwamba ... wanapoitunza Jumapili, wanakubali mamlaka ya msemaji kwa ajili ya kanisa, Papa." (*Our Sunday Visitor*, Februari 5, 1950).

Kanisa la Kirumi halikubadilisha tu Sabato, bali sikukuu zote za Mungu:

".....Kanisa Katoliki lilikomesha si Sabato tu, bali pia Sherehe nyingine zote [zinazoitwa] za Kiyahudi." (Askofu T. Enright, *Letter*, Aprili 26, 1902).

Tulimrejeza hapo awali Polycrates na kukiri kwake Wakristo, ukijumuisha wanafunzi wa Yesu, kuadhimisha sikukuu ya Pasaka siku ya 14 ya mwezi wa kwanza wa Kiyahudi. Kanisa la Roma lilijadili hili, likitaka kubadilisha tarehe ilingane na sikukuu yao ya Ishtar (Pasaka). Mjadala haukuwa kamwe kuhusu IKIWA tungeadhimisha Pasaka, lakini NI LINI tunapaswa kuiadhimisha. Historia inathibitisha kwamba uwekaji wa jumapili ya pasaka badala ya tarehe ya Kibiblia ya Pasaka ilipelekea njia katika kuimarisha mabadiliko ya Roma juu ya

Sabato kutoka siku ya saba ya juma (Jumamosi) hadi siku ya kwanza ya juma (Jumapili).

“Kusitawi mapema kwa kusherehekea Easter na mabishano ya kalenda ya wahudhuriaji kwa kiasi kikubwa kulitokana na jaribio la Ukristo [Ukristo wa uwongo] kujikomboa kutoka kwenye Dini ya Kiyahudi. Jumapili tayari ilikuwa imechukua mahali pa Sabato ya Kiyahudi [ikimaanisha Sabato ya Mungu] mapema katika karne ya pili, na licha ya jitihada katika Asia Ndogo [na Polycrates na wengine] kudumisha tarehe ya Pasaka ya Kiyahudi ya Nisani 14 ... Baraza la Nikea lilipitisha Jumapili ya kila mwaka iliyofuata mwezi kamili baada ya siku ya ikwinoksi ya asili [Spring] (Machi 21).” (Walter Elwell, editor, *Evangelical Dictionary of Theology*, “Easter,” 1984).

“Kikosi cha Wakristo Wasio Wayahudi kutoka katika mizizi yao ya Kiyahudi kiliathiriwa na sera za ukandamizaji zilizopitishwa na watawala wa Kirumi dhidi ya watu wa Kiyahudi na dini na pia kampeni ya kukashifu iliyofanywa na Wayahudi dhidi ya Wakristo. Mambo hayo yaliwatia moyo Wakristo wasio Wayahudi kusitawisha theolojia ya ‘Kikristo’ ya dharau kwa Wayahudi kama watu na kuelekea Dini ya Kiyahudi kama dini. Mkusanyiko mzima wa fasihi ‘Dhidi ya Wayahudi’ ulitokezwa na Mababa wakuu ambao waliwaharibia Wayahudi sifa na kuondolea mbali imani na mazoea yao ya kidini yenye thamani ya kihistoria. **Majeruhi wawili wakuu wa kampeni dhidi ya Wayahudi walikuwa Sabato na Pasaka. Sabato ilibadilishwa kuwa Jumapili na Pasaka iliamishwa hadi Jumapili ya Pasaka.** (Samuele Bacchiocchi, *God’s Festivals in Scripture and History, The Spring Festivals*, p. 103).

Siku takatifu za kalenda ya Mungu zimebadilishwa ndani ya Ukristo na sikukuu ambazo hapo awali ziliadhimisha miungu ya kuabudu jua. Leo Wakristo wengi bila kujua wanafuata mapokeo ya wanadamu huku wakizikataa amri za Mungu. Sikukuu kama vile Krismasi, Pasaka, Siku ya Wapendanao, na Halloween zote zina asili ya kipagani na hazijatolewa kwetu na Mungu katika Neno Lake. Ulimwengu mzima unazijua sikukuu hizi, lakini ni wangapi wanaojua sikukuu za Mungu zilizoainishwa katika Maandiko (Mambo ya Walawi 23) ambazo hutupatia Roho Mtakatifu kwa kiwango kikubwa zaidi, kusherehekea mpango mkuu wa Mungu wa wokovu, na kutupa pumziko katika uwana wetu na ubinti

wetu kwa Baba yetu wa mbinguni? Kwa nini tunajua nyakati hizi za kipagani, lakini tunazisahau za Mungu?

“Kutoka Roma sasa kulikuja nyongeza nyingine ya uasi wa kuabudu jua. Wakristo wa kwanza wakiwa wengi wao Wayahudi, waliendelea kusherehekea Pasaka kwa ukumbusho wa kifo cha Kristo, Pasaka ya kweli; na hii iliendelea miongoni mwa wale ambao kutoka miongoni mwa Wayunani walikuwa wamemgeukia Kristo. Kwa hiyo sherehe hiyo ilikuwa siku zote katika siku ya Pasaka ya kweli—siku ya kumi na nne ya mwezi wa kwanza. Roma, hata hivyo, na kutoka kwake Magharibi yote, ilikubali siku ya jua [Jumapili] kama siku ya maadhimisho haya ... Kanuni ya Roma ilikuwa kwamba sherehe [ya Easter] lazima iwe siku ya Jumapili—Jumapili iliyo karibu na siku ya kumi na nne ya mwezi wa kwanza wa mwaka wa Kiyahudi [Aviv/Nisani]. Na ikiwa siku ya kumi na nne ya mwezi huo ingeangukia Jumapili, basi sherehe hiyo haikupaswa kufanywa siku hiyo, bali Jumapili iliyofuata.” (A.T. Jones, *Great Empires of Prophecy*, uk. 213-214).

Inashangaza, Maandiko yanasema kwamba mamlaka nyingine ya hayawani ingezuka na “kusababisha” (kutunga sheria/kulazimisha) ulimwengu kumwabudu huyu mnyama mwenye pembe kumi wa Milki ya Kirumi iliyohuishwa na “kufanya” (kulazimisha) “sanamu” (sera) zake kukubalika. (Tazama, Ufunuo 13).

Ufunuo 13:15-16 Akapewa kutia pumzi katika ile sanamu ya mnyama, hata ile sanamu ya mnyama inene, na kuwafanya hao wote wasioisujudu sanamu ya mnyama wauawe. Naye awafanya wote, wadogo kwa wakubwa, na matajiri kwa maskini, na walio huru kwa watumwa, watiwe **chapa** katika mkono wao wa kuume, au katika vipaji vya nyuso zao;

Je, hatujaona kwamba ishara ya Sabato ya Mungu (alama na muujiza), inapaswa kutiwa muhuri mahali pale pale kama alama ya mnyama - mkono na vipaji vya nyuso zetu? Je, yawezekana kwamba alama ya mnyama ina uhusiano fulani na mabadiliko ya “sherehe na sheria” za Mungu? Hebu tusikie kutoka kwa Rumi yenyewe:

“Ni **ALAMA** ya mamlaka yetu kutawala juu ya sheria ya Mungu.” (Father Enright, *History of the Sabbath*, uk. 802).

“Bila shaka kanisa Katoliki linadai kwamba mabadiliko [kutoka Jumamosi hadi Jumapili] yalikuwa ni kitendo chake. Na kitendo hicho ni **ALAMA** ya uwezo na mamlaka yake ya kikanisa katika mambo ya kidini.”- (C.F. Thomas, Chancellor of Cardinal Gibbons, *Faith of Our Fathers*, uk, 14).

Leo Waprotestanti wa kisasa wanarudia kanisa la Rumi. Mnamo Aprili 2015 Mchungaji Dk. Demetrios Toniais wa *Muungano wa Siku ya Bwana wa Marekani* alisema:

“Kwa ufafanuzi, kila Jumapili ni mwito kwa umoja wa Kikristo kwani ni siku hii tunaitwa kuungana na Bwana, kwa Bwana ... Ili kuithamini kikamilifu Jumapili kama **ALAMA** ya umoja wa Kikristo kupanua ufafanuzi wetu wa umoja.”

Profesa Mkatoliki Malachi Martin anaeleza kwamba Papa “anasisitiza kwamba wanadamu hawana tumaini la kutegemewa la kuunda mfumo wa kijiografia unaoweza kutekelezwa isipokuwa tu kwa msingi wa Ukristo wa Kikatoliki wa Kirumi” (Keys of This Blood, u. 492). Tangu kuanguka kwao kutoka mamlakani mwaka 1798, kanisa la Roma limekuwa likifanya kazi maradufu ili kuimarisha sera zake za kidini na kisiasa na kuunganisha makanisa yote. Papa asema kwamba, ikiwa kutakuwa na muungano wowote kati ya dini za ulimwengu, itabidi uwe na msingi wa “Ukristo wa Kikatoliki wa Roma.”

Ingawa hii haimaanishi kwamba kila fundisho moja litalazimika kuunganishwa, itamaanisha kwamba dini za ulimwengu zitategemea kiongozi mmoja wa kanisa—Kanisa la Roma (Upapa)—na “alama” ya “umoja wa Kikristo” ni utakatifu wa Jumapili na utakatifu wa Jumapili huelekeza kwenye “Ukristo wa Kikatoliki wa Kirumi.” Lakini hilo ni nini hasa?

“Watu wakuu waliolijenga Kanisa la Magharibi walikuwa karibu wote wanasheria wa Kirumi waliofunzwa. Tertullian, Cyprian, Augustine, Gregory Mkuu (ambao maandishi yao yanafanyiza daraja kati ya Mababa wa Kilatini na Wasomi) wote walikuwa watu ambao mafunzo yao ya awali yalikuwa yale ya wakili wa Kirumi, - mafunzo ambayo yalifinyanga na kufanyiza mawazo yao yote, iwe ya kitheolojia au kikanisa. Kwa asili walichukulia maswali yote kama wakili mkuu wa Kirumi ambavyo angefanya. Walikuwa na hamu ya wakili ya kupata ufafanuzi kamili. Walikuwa na wazo la mwanasheria kwamba jukumu

la msingi lililowekwa juu yao lilikuwa kutekeleza utii kwa mamlaka, iwe mamlaka hiyo ilijidhihirisha katika taasisi za nje au katika ufafanuzi sahihi wa njia sahihi za kufikiria kuhusu kweli za kiroho. **Hakuna tawi lolote la Jumuiya ya Wakristo wa magharibi ambalo limeweza kujikomboa kutokana na uchawi uliorushwajuu yake na wanasheria hao Waroma wa karne za awali za kanisa la Kikristo.**” (Thomas Lindsay, *A History of the Reformation*, uk. 168).

Sabato na Jumapili zinawakilisha ishara mbili zinazoelekeza kwenye mifumo miwili tofauti kabisa ya serikali na sikukuu zao. Kwa kuwa kitendo cha “kuibadilisha” Sabato kutoka siku ya saba hadi siku ya kwanza katika takriban mawazo yote duniani kote ndiyo “alama” ya mamlaka ya Upapa katika mambo ya kidini, basi utakatifu wa Jumapili ndiyo “ishara” au “bendera” ikielekeza kwenye utiifu wa mtu katika mbinu za kulazimisha “kulazimisha utii kwa mamlaka.” Sabato inaelekeza kwenye ufalme wa Mungu, ufalme uliojengwa juu ya sheria ambapo ukweli na upendo hutawala zaidi huku wakiwaacha wengine huru kuvuna kile wanachopanda “iwe ni dhambi inayoleta kifo, au ikiwa ni utii uletao haki” na uzima. (Warumi 6:16). Jumapili ikawa siku ya pumziko, si kwa mpango wa Mungu, bali kwa uamuzi na hatua za kisheria zilizofanywa na mwanadamu. Ni sheria iliyowekwa, na sheria zilizowekwa hazizai utakatifu, ni utumwa tu.

Kuamini njia hii ya utekelezaji wa mwanadamu kutaleta alama katika “paji la uso” wako (ishara ya mawazo yako), pale unapofanya mazoea ya njia hii ya mnyama kutaleta alama kwenye “mkono” wako (ishara ya kazi au utii wako). Yeyote asiyeamini na kutekeleza njia hii, ambayo bendera ya Jumapili inawakilisha, atauawa wakati ulimwengu unaamini vibaya kuwa hii ni haki ya Mungu inayotekelezwa (Ufunuo 13:15). Katika Yohana 16:2-3 Yesu alisema, “... naam, saa inakuja ambayo kila mtu akiwaua atadhani kwamba anamtumikia Mungu. Na hayo watawatenda ninyi, kwa sababu hawakumjua Baba wala mimi.” Sote na tuwe na tabia ya Yesu wakati huo na kuomba, “Baba, uwasamehe; kwa maana hawajui watendalo.” (Luka 23:34).

Tungependa kuisitiza kwamba hatunyooshei mtu mwingine kidole, bali kwa WENYEWE kama ubinadamu wa shirika. Katika hali yetu ya kuanguka sote tuna roho ile ile ya pembe ndogo “kusababisha hila [udanganyifu] kufanikiwa katika

mikono [yetu] [kazi]" na "kujitukuza [kwetu] katika mioyo [yetu]." (Danieli 8:25). Bila Kristo kuishi na kutawala ndani yetu, tunaonyesha roho hii ya uadui ya mnyama kwa kutumia nguvu, kulazimisha, na kulipiza kisasi kwa wengine. Hivyo tunatafuta toba ya ushirika (kwa ajili ya jamii nzima ya binadamu) kwa ajili ya kutoamini kwetu Baba yetu wa upendo, na kutulia kifuani Mwake anapofundisha kwa upole na kuelekeza njia yetu ya ubinafsi kwenye njia ya upendo usio na masharti na huduma kwake na kwa wanadamu wenzetu ambao Kristo amewanunua kwa gharama isiyo na kikomo kwake. Kuponya nafsi zetu zilizoharibiwa na dhambi ni tukio chungu kwetu, na tunaweza kulifuata kabisa ikiwa tutaamini kabisa kwamba Mungu anatupenda.

Ubunifu wa Sabato ni njia ya kupokea uwepo wa Mungu ambao pekee hutufanya kuwa watakatifu, sio tu siku ya Sabato, lakini kila siku. Kanuni ya Sabato-Saba ni ishara ya mtindo wa maisha unaotegemea mfano na sura ya Muumba wetu. Dhana yako ya tabia ya Mungu inaakisi jinsi unavyoona uhusiano wako na Baba yako wa mbinguni. Je, Yeye ni Baba ambaye anadai utii kwa seti ya kanuni na kutekeleza adhabu kwa mvunja sheria, hata kuwaua nyakati fulani? Je, unaishi katika aina hii ya hofu kwa Baba yako wa Mbinguni ambapo utii ni wajibu tu ili usimkasirishe? Au je, Yeye ni Baba asiyebadilika, asiye na jeuri ambaye sheria zake zimeundwa kwa ajili ya afya na furaha yako ya kimwili na ya kiroho na daima anabeba mizigo yako, makosa na hatia, akimtafuta mtoto Wake aliyepotea aje nyumbani na kupumzika kifuani Mwake?

Isaya 57:19 Amani, amani kwake yeye aliye mbali, na kwake yeye aliye karibu, asema BWANA; nami nitamponya.

Ni dhahiri kwa nini Shetani anataka kubadili sikukuu takatifu wakati unajua kwamba kupitia miadi hii watoto wa Mungu wanafanywa upya katika maana yao ya uwana na binti kwa Mungu na kupokea uhakikisho wa rehema na msamaha. Wanaingia katika furaha ya Baba kwa ajili ya Mwanawe ambayo aliionyesha katika siku hiyo ya Sabato ya kwanza. Katika Kristo tunapokea baraka hii ya kiroho katika utimilifu wake.

Kilio cha Usiku wa manane

Mfano wa wanawali kumi katika Mathayo 25 una jukumu muhimu katika uzoefu wa watu wa Mungu kabla tu ya kufungwa kwa rehema.

Mathayo 25:1-6 Ndipo ufalme wa mbinguni utakapofanana na wanawali kumi, waliotwaa taa zao, wakatoka kwenda kumlaki bwana arusi. Watano wao walikuwa wapumbavu, na watano wenye busara. Wale waliokuwa wapumbavu walizitwaa taa zao, wasitwae na mafuta pamoja nao; bali wale wenye busara walitwaa mafuta katika vyombo vyao pamoja na taa zao. Hata bwana arusi alipokawia, wote wakasinzia wakalala usingizi. **Lakini usiku wa manane, pakawa na kelele**, Haya, bwana arusi; tokeni mwende kumlaki.

Tofauti kati ya mabikira wenye busara na wapumbavu ni kwamba wanawali wenye busara wana mafuta ya ziada kwenye vyombo vyao na taa zao. Mafuta ni ishara ya Roho Mtakatifu. Wanawali wenye busara wamepokea Roho Mtakatifu zaidi kuliko wapumbavu. Je, wanampokeaje? Wanawali wenye busara husimama juu ya mwezi wakiwa wamevaa jua. Wanaitikia wito wa Kristo:

Mathayo 11:28 Njoni kwangu, ninyi nyote msumbukao na wenye kulemewa na mizigo, nami nitawapumzisha.

Wenye hekima huja anapowaita. Huu hapa ni mfano wa wito wa Yesu:

Yohana 7:2,37-39 Na sikukuu ya Wayahudi, Sikukuu ya Vibanda, ilikuwa karibu. Hata siku ya mwisho, siku ile kubwa ya sikukuu, Yesu akasimama, akapaza sauti yake akisema, Mtu akiona kiu, na aje kwangu anywe. Aniaminiye mimi, kama vile maandiko yalivyonena, mito ya maji yaliyo hai itatoka ndani yake. Na neno hilo alilisema katika habari ya Roho, ambaye wale wamwaminio watampokea baadaye; kwa maana Roho alikuwa hajaja, kwa sababu Yesu alikuwa hajatukuzwa.

Yesu aliwaita wakati wa sikukuu ya Vibanda, kwa maana hii ilikuwa majira ya Baba yaliyowekwa ili kutoa wimbi la juu zaidi la Roho. Tunaweka hoja tena kwamba tunaweza kuja kwa Kristo wakati wowote mchana au usiku, na bado maongozi ya Roho yatatuuta hasa nyakati hizi; kwa maana hizi ni nyakati za kuburudisha zinazofanya kazi katika Kanuni ya Sabato Saba. Ni majira ambapo Sheria ya Mungu imeandikwa kwa undani zaidi ndani ya mioyo yetu na Roho

anayekuja kwa wingi nyakati hizi. Zinatuweka katika uhusiano wetu na Mungu, zikizidi kutupa ujasiri na utulivu na imani kwa Baba yetu.

Baadhi ya wale waliokuwepo kwenye karamu hiyo walikubali wito Wake na wengine waliukataa. (Mistari 40-42), “Kukawa na mafarakano kati ya watu kwa ajili yake. (Kifungu cha 43). Ona hapo juu kwamba Yesu alisema “kama vile Maandiko yalivyonena, mito ya maji yaliyo hai itatoka ndani yake.” Alionyesha hili kuwa kweli siku iliyofuata, “asubuhi na mapema” alipoingia tena hekaluni, na watu wote wakamwendea, wakaketi, na kuwafundisha. (Yohana 8:2). Ilikuwa ni wakati huu ambapo “waandishi na Mafarisayo walimletea mwanamke aliyefumaniwa katika uzinzi” na kumjaribu juu ya mambo ya sheria (Mistari 3-6).

Maandiko yanasema, “Lakini Yesu akainama, akaandika chini kwa kidole chake, kana kwamba hakuwasikia. (Kifungu cha 6). Nini kilikuwa kiini cha kile alichokuwa akiandika kwenye udongo kwenye sakafu ya mawe ya hekalu wakati wa sikukuu ya Vibanda?

Yeremia 17:13 Ee Bwana, tumaini la Israeli, **wote wakuachao watatahayarika**, nao waniachao **wataandikwa katika nchi**, kwa sababu wamemwacha Bwana, **chemchemi ya maji ya uzima**.

Walikuwa wamemkataa kama Masihi, “Bwana wa Sabato.” Yeye mwenyewe aliyehandika juu ya mbao za mawe kwa kidole chake mwenyewe (Kutoka 31:18) sasa alikuwa anaandika juu ya sakafu ya mawe ya hekalu kwa kidole hicho hicho.

Yohana 8:7-11 Nao walipozidi kumhoji, alijiinua, akawaambia, Yeye asiye na dhambi miongoni mwenu na awe wa kwanza wa kumtupia jiwe. Akainama tena, akaandika kwa kidole chake katika nchi. Nao waliposikia, wakashitakiwa na dhamiri zao, wakatoka mmoja mmoja, wakianza tangu wazee hata wa mwisho wao; akabaki Yesu peke yake, na yule mwanamke amesimama katikati. Yesu akajiinua asimwone mtu ila yule mwanamke, akamwambia, Mwanamke, wako wapi wale washitaki wako? Je! Hakuna aliyekuhukumu kuwa na hatia? Akamwambia, Hakuna, Bwana. Yesu akamwambia, Wala mimi sikuhukumu. Enenda zako; wala usitende dhambi tena.]

Wote Mafarisayo na mwanamke walitiwa hatiani kwa ajili ya dhambi yao. Mafarisayo walienda zao kwa aibu na kujihukumu, wakiendelea kukataa msamaha ambao Yesu alikuwa amewapa bila malipo. Mwanamke huyo hata hivyo, akitambua Yesu alikuwa nani, na kwamba hakuna hukumu iliyotoka Kwake wala Baba Yake, aliingia katika pumziko Lake kama binti wa Aliye Juu Zaidi na akaenda akiwa huru kutoka kwenye minyororo ya dhambi.

Usadikisho wa dhambi ulikuja kupitia sauti ya uumbaji ya Kristo na kidole kitakatifu. Luka anamnukuu Yesu akisema, “Lakini mimi nikitoa pepo kwa KIDOLE cha Mungu, bila shaka ufalme wa Mungu umekwisha kuwajilia.” (Luka 11:20). Hata hivyo, Mathayo anamnukuu akisema, “Lakini mimi nikitoa pepo kwa ROHO WA MUNGU, basi ufalme wa Mungu umekwisha kuwajilia.” (Mathayo 12:28). “Kidole” hapa ni sitiari ya Kiebrania ya “Roho.” Tumeona kwamba dhana ya Kiebrania ya “mkono” inawakilisha “kazi.” Kwa hivyo, dhana ya Kiebrania ya “kidole,” kwa kuwa imeunganishwa na mkono (kazi), ni “kazi ya kina” kwani kidole kinaweza kuashiria (kuweka vizuri) kwa usahihi zaidi kuliko mkono mzima. “Kazi” ya Roho Mtakatifu ni “kurekebisha” (kuandika kwa kidole chake) sheria katika mioyo na akili zetu.

2 Wakorintho 3:3 mmedhihirishwa kwamba mmekuwa barua ya Kristo tuliyoitumikia, iliyoandikwa si kwa wino, **bali kwa Roho wa Mungu aliye hai; si katika vibao vya mawe, bali katika vibao vya mioyo ya nyama.**

Akirejelea tukio la Agano Jipya, Mungu alisema:

Waebrania 8:10 Maana hili ndilo agano nitakaloagana na nyumba ya Israeli baada ya siku zile, asema Bwana; **Nitatia sheria zangu katika nia zao, na katika mioyo yao nitaziandika;** nami nitakuwa Mungu wao, nao watakuwa watu wangu.

Uandishi huu wa sheria yake katika mioyo yetu ni kazi ya kina ya utakaso ili kututenga kwa matumizi matakatifu. Yesu alisema kazi ya Roho wake Mtakatifu ni kutuongoza katika kweli yote (Yohana 16:12,13), akitimiza ahadi wakati Mungu aliposema: “Nami nitawapa ninyi moyo mpya, nami nitatia roho mpya ndani yenu: nami nitauondoa moyo wa jiwe katika mwili wenu, nami nitawapa ninyi moyo wa nyama. Nami nitatia roho yangu ndani yenu, na kuwaendesha katika sheria zangu, nanyi mtazishika hukumu zangu, na

kuzitenda.” (Ezekieli 36:26-27). Hivyo tunaona kwamba matokeo ya asili ya kujazwa na Roho wa Mungu ni kutembea sawasawa na amri zake zote, sheria na hukumu zake. Sura ya tatu ya Malaki imenukuliwa kote katika makanisa ya Kikristo kuwaita watu kwenye kanuni ya zaka, lakini kile kilichoandikwa katika sura ya nne mara nyingi kinakataliwa:

Malaki 4:4 Ikumbukeni torati ya Musa mtumishi wangu, niliyomwamuru huko Horebu kwa ajili ya Israeli wote, na amri na hukumu.

Mara tu baada ya aya hii tunaambiwa:

Malaki 4:5-6 Angalieni, nitawapelekea Eliya nabii, Kabla haijaja siku ile ya BWANA iliyo kuu na kuogofya. Naye ataigeuza mioyo ya baba iwaelekee watoto wao, na mioyo ya watoto iwaelekee baba zao, nisije nikaipiga dunia kwa laana.

Kazi ya Eliya inakuja tunapokumbuka sheria ya Musa. Yesu alituambia kwamba hakuja kuondoa chochote kutoka kwenye sheria bali kuinua, kuiheshimu na kuitimiza.

Mathayo 5:17-18 Msidhani ya kuwa nalikuja kuitangua torati au manabii; la, sikuja kutangua, bali kutimiliza. Kwa maana, amin, nawaambia, Mpaka mbingu na nchi zitakapoondoka, yodi moja wala nukta moja ya torati haitaondoka, hata yote yatimie.

Hakuna kitakachopita kutoka kwenye Sheria hadi mbingu na dunia tunayoishi sasa itakapopita. Pia, neno mpaka halidokezi kwamba zitapita baada ya hili bali kwamba zitakuwepo tu katika historia yote ya wanadamu kabla ya kuja kwa Kristo.

Ni hazina iliyoje sheria tulizopewa kupitia Musa. Nasimama pamoja na Daudi aliposema:

Zaburi 1:1-3 Heri mtu yule asiyekwenda Katika shauri la wasio haki; wala hakusimama katika njia ya wakosaji; wala hakuketi barazani pa wenye mizaha; bali sheria ya BWANA ndiyo impendezayo, na sheria yake huitafakari mchana na usiku. Naye atakuwa kama mti uliopandwa kando ya mito ya maji, uzao matunda yake kwa majira yake, ambao jani lake halinyauki; na kila alitendalo litafanikiwa.

Kuenenda katika Sheria ya Bwana husababisha kumwagwa kwa Roho ili kwamba sisi tuwe ni miti iliyopandwa na mto wa Roho wa Mungu. Njooi, mwone ya kuwa Bwana na amri zake ni njema.

Kuitwa Kutoka Gizani¹

Ninataka kushuhudia uzuri wa miadi ya Mungu na jinsi ambavyo imenibariki na kunisaidia katika safari yangu.

Muda wa chini ya majuma matatu tu baada ya minara miwili ya New York kuanguka Septemba 11, 2001, nilikuwa nikiwasilisha baadhi ya mikutano kaskazini mwa Sydney huko Australia. Mawasilisho yalitofautisha falme mbili. Ufalme wa Mungu hutupatia thamani kwa uhusiano wetu na Baba yetu wa mbinguni kupitia Kristo. Ufalme wa Shetani hutengeneza thamani kwa uwezo binafsi, nafasi, na utendaji. Anguko la Shetani lilionyeshwa kama anguko kutoka kwa uwana wake kwa Mungu hadi katika mzunguko wa utupu usio na thamani. Jamii ya wanadamu ilirithi hali hii ya kutokuwa na thamani ilipoanguka katika dhambi. Ufunguo wa kuushinda ufalme huu ulikuwa ni kuingia katika Uana wa Yesu kwa imani. Baba alifunua uana wetu wa kweli katika Kristo wakati wa ubatizo wake na pia katika pambano lake na Shetani nyikani. Tunakubalika ndani ya Mpendwa (Waefeso 1:6). Maneno ya Baba kwa Mwanawe wakati wa ubatizo ni yetu kwa imani.

Ni tukio gani lililoibua mawazo haya yote kwangu? Katika nusu ya kwanza ya 2001 nilikuwa nikitembea asubuhi ya Sabato. Kwa sababu ya ugonjwa sikuweza kuhudhuria kanisani kwa majuma kadhaa. Nilipokuwa nikitembea, nilianza kufikiria siku ambayo mwana wangu mzaliwa wa kwanza alikuja ulimwenguni miaka michache iliyopita. Nilikumbuka furaha niliyokuwa nayo mke wangu aliponikabidhi. Nikimtaazama machoni, nilisimama nikiwa nimetawaliwa na furushi hili la furaha lililokuwa mikononi mwangu. Niliomba wakati huo: Bwana Mpendwa usiruhusu chochote kiingie kati yangu na mwanangu na ninataka tu anijue mimi ni nani. Nilipokumbuka sala hiyo ya mawazo, nilisikia sauti akilini mwangu wakati huo: Adrian, ndivyo ninavyohisi kuhusu wewe. Ilinichukua mshangao kabisa. Ndani yangu ilikuja roho hii ya upinzani. Lakini Bwana,

¹ Uzoefu huu binafsi unahusiana na Adrian Ebens

unawezaje kumpenda mwenye dhambi kama mimi? Wazo hilo lilingangaza kwa sababu nilimwamini Yesu Kristo kwa ajili ya ondoleo la dhambi, na bado kwa undani zaidi shaka hii ilijitokeza ambayo sikujua kamwe ilikuwa pale. Baba yangu wa mbinguni alipopata njia kupitia mwanangu ya kuniambia jinsi nilivyokuwa mwenye thamani Kwake, ilidhihirisha hali yangu ya kutokuwa na thamani na nikajikuta nikipigana naye hata wakati ambapo sikutaka. Maneno ya Baba yangu yalikuwa kama moto katikati ya nafsi yangu. Maneno haya yalikalili hali yangu ya kutokuwa na thamani na ilikuwa na hamu ya kuimeza. Mapambano haya yaliendelea kwa dakika kadhaa hadi mwishowe nikasikia sauti akilini mwangu: Je, utakataa upendo wangu kwako? Nilishangazwa tena, na mara moja niliungama dhambi yangu na kusema moyoni mwangu: Bwana, ninakubali neema yako kupitia dhabihu ya Kristo, ni ajabu sana kuufahamu lakini ninaukubali. Kupitia mwanangu, Baba yangu wa mbinguni alifikia kiini cha utu wangu kudhihirisha upendo Wake kwangu kupitia Mwanawe. Alifunua hisia zangu za kutofaa na kuuvutia moyo wangu. Inashangaza sana kwamba ilikuwa siku ya Sabato ambapo alionyesha furaha yake kwangu kupitia kwa Mwanawe.

Hata hivyo, ingawa nilionja uhuru huu, adui hangekata tamaa bila kupigana. Moto wa mapenzi ungehitaji muda ili kuteketeza hali yangu ya kutokuwa na thamani. Mawazo haya mapya yalibadilisha kabisa njia yangu ya kufikiri, na kuniweka kwenye njia ambayo sikuweza kufikiria kamwe. Kuhubiri uhuru wa uwana wetu katika Kristo ni jambo moja, lakini kutambua ni kiasi gani ufalme mwingine umeshika moyo wako ni jambo lingine, na kwa hivyo niligundua binafsi kwa nafsi yangu Pambano Kuu kwa namna ya vita vya utambulisho. Nilijikuta nikihama huku na huko kati ya falme, lakini ufahamu wangu wa mawazo yangu ya ubatili yenye msingi wa utendaji ukawa wazi zaidi na zaidi. Kila wakati nilipoanguka katika ufalme mbaya niliweza kuja kwenye ukingo wa mto na kwa mara nyingine tena kusikia sauti – “Wewe ni Mwanangu mpendwa kupitia Kristo Yesu.” Nilikuwa nimepata ufunguo wa ufalme! Nilirithi uwana wangu kupitia Uwana wa Kristo.

Uamshi huu kwenye uwana wangu wa kweli kwa Mungu kupitia Kristo ulinivuta kwenye Maandiko ambapo Yesu aliwabariki watoto. Baraka niliyohisi kupitia kujua uwana wangu wa kweli ilinisababisha kutaka kuwabariki wengine.

Baraka

Katika moja ya makanisa niliyokuwa nikichunga wakati huo, niliwaalika watoto waje mbele, na mmoja baada ya mwingine nikaweka mikono yangu juu yao na kuwabariki. Niliomba kimya kabla ya kila sala: Bwana, unataka nimwambie nini mtoto huyu? Mara nilipoelewa kwamba Baba alimimina baraka Zake kupitia njia za kibinadamu, niliona jukumu muhimu ambalo ni lazima nitekeleze katika kunena Neno la Mungu katika maisha ya familia katika makutaniko yangu. Maombi yangu yalikuwenda kama hivi:

"Baba Mpendwa, asante kwa Marion. Ni binti yako mpendwa unayependezwa naye kwa njia ya Kristo Bwana wetu. Daima ajue kwamba unampenda na mpe neema ya kuwatii wazazi wake na akue kuwa mwanamke wa Mungu anayesimama kwa haki daima. Tunakushukuru kwa jina la Yesu."

"Baba, asante kwa ajili ya Stephen. Yeye ni mwana wako mpendwa ambaye umependezwa naye katika Kristo Yesu. Na ajue tunampenda kama familia ya kanisa na kwamba atawaheshimu wazazi wake daima, na kukua na kuwa mtu wa Mungu ambaye umemwita kuwa."

Kisha ningeongeza baadhi ya mambo ambayo yalikuja akilini na kufunga sala. Asubuhi iliyofuata mama mmoja alinipigia simu na kusema "Unajua binti yangu alisema nini? Alisema 'Mama, mimi ni wa thamani.' Nikauliza, 'kwanini imekuwa hivyo?' 'kwa sababu mchungaji alisema hivyo,' alijibu hivyo. Sasa nimemwambia binti yangu hivyo mara nyingi, lakini hajawahi kuathiriwa kama ilivyotokea jana."

Ilikuwa ni wakati muhimu kwangu. Wazo lilipita akilini mwangu - Sasa najua maana ya kuwa mchungaji. Nuru ilianza kupambazuka kuhusu nafasi ya baba, wazee, na wachungaji.

Yakobo 1:27 Dini iliyo safi, isiyo na taka mbele za Mungu Baba ni hii, Kwenda kuwatazama yatima na wajane katika dhiki yao, na kujilinda na dunia pasipo mawaa.

Dini iliyo safi ya wazee na baba katika kanisa ni kuwatazama yatima na wajane na kuwambia maneno ya Baba. Ni wajibu wao kuwambia kwamba Baba anawapenda, na kwamba wao ni wa thamani Kwake. Hili ndilo linalomfanya

mtu asinaswe na ulimwengu. Ni kanuni ya baraka ambayo inaweka msingi wa mojawapo ya sifa kuu za mzee katika kanisa:

1 Timotheo 3:4-5 mwenye kuisimamia nyumba yake vema, ajuaye kutiisha watoto katika ustahivu; (yaani, mtu asiyejua kuisimamia nyumba yake mwenyewe, atalitunzaje Kanisa la Mungu?)

Ikiwa mwanamume hajui jinsi ya kubariki mke na watoto wake, basi anawezaje kubariki na kutunza kanisa? Kuwa mwana wa Ibrahimu kulichukua maana mpya kabisa katika muktadha wa baraka.

Mwanzo 12:2-3 Nami nitakufanya wewe kuwa taifa kubwa, na kukubariki, na kulikuza jina lako; nawe utakuwa baraka nami nitawabariki wakubarikio, naye akulaaniye nitamlaani; na katika wewe jamaa zote za dunia watabarikiwa.

Furaha katika nafsi yangu nilitamani zaidi kushiriki na wengine kama mtu aliyetitwa kumtumikia Baba yetu. Nilipowaita watu kupokea baraka nilizopokea, nilianza kuona baraka hizi zilikuwa kubwa zaidi wakati wa saa za Sabato.

Miaka mingi baadaye ningesoma na kuzikubali karamu, na nilijiuliza ikiwa uzoefu huu wa baraka ungetokea nyakati hizo.

Nilialikwa kuzungumza kwenye Sikukuu ya Vibanda, na niliamua kuwaalika watu waje kupokea maombi ya baraka kutoka kwa Baba katika Sabato ya Siku ya Saba wakati wa Sikukuu ya Vibanda. Ilikuwa ni sikukuu ndani ya sikukuu. Sabato yenyewe ni sikukuu ndani ya Sikukuu kuu ya Vibanda.

Kumwagwa kwa Roho kulikuwa kwa ajabu. Haukuwa msisimko. Ilikuwa ni furaha tulivu, ya upole, ya upendo iliyodhihirishwa miongoni mwa watu walipotoka kupokea maombi na kusikia kwamba wao ni watoto wapendwa wa Baba. Hakika ilikuwa Sabato kuu. Yohana aliita Sabato wakati wa mkate usiotiwa chachu kuwa siku iliyo kuu.

Yohana 19:31 Kwa hiyo, kwa sababu ilikuwa Siku ya Maandalio, miili isikae msalabani siku ya sabato (maana Sabato hiyo ilikuwa siku kuu)...

Sababu ya kuwa siku kuu ni kwa sababu ya wimbi kubwa la Roho wa Mungu ambalo linapatikana nyakati hizi. Sifa kwa Baba yetu kwa kumwaga upendo wake juu yetu nyakati anapotuita.

Ni kweli kwamba Baba yetu anatupenda siku zote na tunaweza daima kusikia haya kutoka Kwake katika Neno Lake. Hata hivyo, kuna nyakati maalum ambapo tunaalikwa kupokea upendo huu kupitia Roho Wake kwa kiasi kikubwa zaidi.

Ninaporudi nyuma katika maisha yangu, ninaweza kuona nyakati maalum ambapo nilifanya maamuzi ya kuitikia ukweli na kutembea kwa uamuzi zaidi katika mapenzi ya Mungu. Mengi ya haya yametokea wakati wa miadi ya Baba yetu.

Hitimisho

Sabato na Sikukuu za Mungu ni chemchemi ya baraka kwetu. Hizi ni nyakati maalum ambapo Baba yetu hutuvuta karibu kupitia kwa Mwanawe na kutushika mikononi mwake na kutubariki.

Warumi 8:16 Roho mwenyewe hushuhudia pamoja na roho zetu, ya kuwa sisi tu watoto wa Mungu.

Ni baraka hii ambayo itatupa muhuri wa Mungu, kwa kuwa tutatiwa muhuri kwa jina la Baba au tabia yake. Tunapotulia katika mikono yake kwa imani, tutakuwa kama Mwanawe Yesu na hofu zetu zote zitaondolewa. Kama vile ambavyo Mwana wa Mungu alivyo ukuzaji wa utukufu wa Baba, vivyo hivyo na sikukuu ni ukuzaji wa utukufu wa Sabato.

Tutakuwa na nguvu ya kukabiliana na mnyama na sanamu yake ambayo itadai ulimwengu kumwabudu siku ya Jumapili na kushika sikukuu zake. Kuchukua hatua kama hiyo kungeondoa chemchemi ya baraka na muhuri wa Mungu, na kupoteza haswa kile ambacho ni cha kutuokoa.

Hebu tushike sana chemchemi ya baraka inayopatikana katika Sabato na sikukuu za Baba yetu. Tufungue mlango ili Mwana wa Mungu aingie na kula pamoja nasi na kukaa nasi.

Ufunuo 3:20 Tazama, nasimama mlangoni, nabisha; mtu akiisikia sauti yangu, na kuufungua mlango, nitaingia kwake, nami nitakula pamoja naye, na yeye pamoja nami.

Chemchemi ya Mibaraka

Kuingia katika RAHA ya Mungu kupitia Mkondo wa Nyakati Alizoziweka.

Maneno ambayo Baba alizungumza na Mwanawe wakati wa ubatizo Wake yanatoa mwangwi wa baraka Aliyomimina juu Yake katika Sabato ya kwanza ya Uumbaji. Kila siku Baba alimfurahia Mwanawe, na Mwana alifurahi mbele zake. Siku ya Sabato Baba alimvuvia Mwanawe na Mwana aliburudishwa katika upendo wa Baba Yake. Uhusiano huu wa karibu kati ya Baba na Mwana uliwekwa kwa kudumu katika Sabato, na kila Sabato Baba hupulizia pumziko lake la kuburudisha juu ya Mwanawe na wale wote wanaomkubali Mwana.

Upendo wa Baba kwa Mwanawe ni wa kudumu, lakini unaonyeshwa kwa nyakati fulani zilizowekwa ambazo huakisi Kanuni ya Sabato. Tunapokuja kwenye miadi hii tunaingia katika furaha ya Baba katika Mwanawe. Tunapokuwa sehemu ya mwanamke anayesimama juu ya mwezi na kuvikwa jua (Ufunuo 12:2) tunajua nyakati na majira ya kuburudishwa kutoka kwenye kiti cha enzi cha Baba yetu.

Baba yetu sasa anatuita katika uzoefu kamili zaidi wa Sabato. Tumeitwa katika baraka zote za rohoni katika Kristo Yesu kama wana wa Ibrahimu (Wagalatia 3:27 29). Yesu anatuambia, “Tazama nasimama mlangoni nabisha” naye anabisha kwa wakati uliowekwa. Je! utamfungulia na kula pamoja Naye?

fatheroflove.info